

रोमियां नै कागद

1 पौलुस जकौ यीशु मसीह रौ चाकर है, जिणनै परमेसर प्रेरित बणण सारू बुलायौ, जिणनै परमेसर रै उण सुभसंदेस रै प्रचार सारू टाळीज्यौ **2**जिणरी नबियां कानीं सू पवित्र शास्त्रां मांय पैलां ई घोसणा करीजगी ही। **3**जिणरौ संबंध पूत सू है, जकौ सररी सू दाऊद रौ वंसज है **4**पण पवित्र आतमा कानीं सू मरयोडां मांय सू जीवतौ करीजण रै कारण उणनै सामरथ रै सागै परमेसर रौ पूत दरसाईज्यौ है, वौ इज यीशु मसीह म्हारौ प्रभु है।

5इणी रै मार्फत म्हनै किरपा अर भगती मिळी, जिणसू कै सगळा गैर यहूदियां मांय उणरै नांव री वा आस्था पैदी करी जाय सकै जकी कै विस्वास सू जलम लेवे। **6**वां मांय परमेसर कानीं सू यीशु मसीह रौ होवण सारू थे लोग ई तेडीज्या (बुलाईज्या) हौ।

7वौ म्हें, थां सगळां सारू औ कागद लिख रैयौ हूं जका रोम मांय हौ अर परमेसर रा न्हाला हौ अर जका परमेसर रै पवित्र जन होवण सारू तेडीज्या हौ।

म्हारै परम पिता परमेसर अर प्रभु यीशु मसीह कानीं सू थानै वारी किरपा अर सांति मिळै।

धिनवाद री अरज

8सगळां सू पैलां म्हें यीशु मसीह कानीं सू थां सगळां सारू म्हारै परमेसर नै धिनवाद देवणौ चाऊं। क्यूकै थारै भरोसै री चरचा आखै संसार में होय रैयी है।

9प्रभु, जिणरी सेवा उणरै पूत रै सुभसंदेस रौ उपदेस देवता थकां म्हें म्हारै हिरदै सू करूं हूं, इण बात रौ साखी है, कै म्हें थानै हमेसा चितारतौ रैऊं हूं।

10म्हारी प्रार्थनावां मांय म्हें हमेस ई अरज करतौ रैऊं हूं कै परमेसर री इंछा सू थारै कनै आवण री म्हारी जात्रा किणी तरे पूरी होवै। **11**म्हें घणी चावना राखूं, क्यूकै म्हें थांसू मिळ'र थानै कीं आत्माऊ उपहार देवणा चाऊं हूं, जिणसू थे सबळ बण सकौ। **12**कै म्हनै कैवणौ चाईजै कै म्हें जद थारै बिचाळै होऊं, तद अक-दूजै रै भरोसै सू आपां आपसरी में हूस रै सागै हरखित होवां।

13भायां, म्हें चाऊं हूं, कै थानै इण बात रौ ठाह होवणौ चाईजै कै म्हें थारै कनै केई बार आवणौ चायौ है ताकि जैडौ फळ म्हें गैर यहूदियां में देख्यौ है, वैडौ इज थारै मांय ई देख सकूं, पण केई अबखायां रै चालतां अबार ताई आय नीं सक्यौ।

14म्हारै माथे यूनानियां अर गैर यूनानियां, बुद्धिमानां अर मूरखां सगळां रौ करज है। **15**इण वास्ते म्हें थां रोम रा रैवासियां नै ई सुभसंदेस रौ उपदेस देवण सारू त्यार हूं।

16म्हें सुभसंदेस सारू लजखाणौ नीं हूं, क्यूकै उण मांय पैली यहूदी अर पछे गैर यहूदी जकौ ई उणमें भरोसौ करै—उणरै उद्धार सारू परमेसर समरथ है।

17क्यूकै सुभसंदेस में औ दरसाईज्यौ है, परमेसर मिनख नै आपरै पेटे सई कियां बणावे। औ आद सू अंत ताई भरोसै माथे ई टिक्योडौ है, जियां कै शास्त्र में लिख्योडौ है, “धरमी मिनख विस्वास सू इज जीवतौ रैवैला।”

पाप सगळा कर्यौ है

18जका सत्य नै अधरम सू दबावै, वां लोगां माथे वारै माड़ा करमां अर हरेक बुरायी माथे सुरग सू परमेसर रौ कोप प्रगट होसी। **19**अर अैडौ व्हे रैयी है, क्यूकै परमेसर बाबत वै आछी तरे जाणै है, क्यूकै परमेसर वानै औ बतायौ है।

20जद सू संसार री सिरजणा होयी उणरी अदीठ विसेसतावां अणत सगती अर परमेसर रौ आपौ सफाईतवा दीसे है क्यूकै वां चीजां सू वै आछी तरे ओळखीज सकै, जकी परमेसर रची है। इण वास्ते लोगां कनै इणरौ कोई ओळवौ कोनी।

21हालांके वै परमेसर नै जाणै है पण वै उणनै परमेसर रै रूप सन्मान अर धिनवाद नीं देवै। बल्कै वै तौ आपरै विचारां मांय ई बिरथा होयग्या। अर वांरा जड़ मन अंधारै सू भरीजग्या है। **22**वै बुद्धिवांन होवण रौ दावौ कर'र ई मूरख रैयग्या। **23**अर अविणासी परमेसर री महिमा नै नासवान मिनखां, चिड़कल्यां,

पसुवां अर सांपां सू रळती-मिळती मूरत्यां में वां लोगां ढाळ दियो।

24इण वास्तै परमेसर वांनै मन री माड़ी इंछावां रे हाथां सूप दिया। वै दुराचार में पड़'र अक-दूजै रे सरीरां री अनादर करण लागग्या। **25**वै कूड़ रे सागै परमेसर रे साच रौ सौदौ कर लियो अर वै स्मिस्टी रा सिरजणहार नै छोड'र उगरी बणायोड़ी स्मिस्टी री टैल-चाकरी में लागग्या। पण परमेसर धिन है। आमीन।

26इण वास्तै परमेसर वांनै तुस वासनावां रे हाथां सूप दिया। वांरी लुगायां सुभाविक यौन सगपणां री ठौड़ असुभाविक यौन सगपण राखण लागगी। **27**इणी भांत मिनख ई लुगायां रे सागै सुभाविक संभोग छोड दियो अर वै आपसरी में इज वासना री अगन मांय बळण लागग्या। अर मिनख आपसरी में अक-दूजै रे सागै भंडा काम करण लागग्या। वांनै आपरै भिस्टाचार री कुफळ ई मिळण लागग्यौ।

28अर क्यूकै वां परमेसर नै ओळखण सू मना कर दियो इण वास्तै परमेसर वांनै कुबुध रे हाथां सूप दिया। अर अँ अँडा ऊंधा काम करण लागग्या जका नीं करणा चाईजता। **29**वै हर तरै रे अधरम, पाप, लाळच अर बैर भाव सू भरीजग्या। वै ईढ, हत्या, राड़-टंटा, छळ-छदम अर कुभावना सू भरीज्योडा है। वै हमेसा दूजां री अहित सोचे। वै कथावां घड़ता रेवै। **30**वै परनिदा करै अर परमेसर सू घिरणा। वै बोछरडा है, घमंडी है अर बड़कां बोला है, भूंडायी रा जलमदाता है अर आपरै माईतां री आग्या ई नीं मानै। **31**वै गिंवार, वचन तोड़णिया, हेतविहूण अर निरदै है। **32**भलाई वै परमेसर रे धरम री विधि नै जाणता होवै, जकी आ बतावै है कै वै मरणजोगा है, फेरुं ई वै नीं फगत वां कामां नै करै, बल्कै ऊंधा काम करणियां री सागौ ई देवै।

थे लोग ई पापी हौ

2 **1**सो, न्याव करण वाळा म्हारा मित्र, चायै थूं कोई क्यू नीं होवै, थारै कनै कोई ओळवावौ नीं है। क्यूकै जिण बात सारू थूं किणी दूजै नै दोसी ठैरावै, उणी सू थूं अपणै आपनै ई अपराधी सिद्ध करै है। क्यूकै थूं जका करमां रौ न्याय करै वै करम थूं खुद ई करै। **2**अबै म्हे तौ जाणां हां के जका लोग अँडा काम करै वांनै तौ परमेसर रे दंड रौ भागी बणणौ ई है। **3**पण हे म्हारा मित्र, काई थूं इण बात नै ई कदैई सोचे है कै थूं

जका कामां सारू दूजां नै अपराधी ठैरावै है अर खुद ई वैडा काम करै, तौ काई थूं परमेसर रे न्याय सू बच जावैला। **4**कै थूं उगरी महती किरपा, सहन अर धीरज नै हीण समझै है? अर इण बात री गिनर नीं करै कै उगरी करुणा थनै पछतावै कानी ले जावै है।

5पण आपरी करडाई अर कदैई पछतावौ नीं करण वाळै मन रे कारण थूं उगरी रीस नै उण दिन सारू भेळी करै है जद परमेसर रौ साचौ न्याय प्रगट होवैला। **6**परमेसर हरेक नै उणरै करमां रौ फळ जरूर देवै। **7**जका लगोलग आछौ काम करता थकां महिमा, आव-आदर अर अमरता री सोय में है, वांनै वौ बदळै में अणंत जीवण देवैला। **8**पण जका आपरै स्वारथ रे वसु साच रे मारग नीं चाल'र अधरम रौ मारग पकड़े वांनै बदळै में उगरी रीस अर खीझ-खीव मिळैला। **9**हरेक उण मिनख माथै दुख अर संकट आवैला जका ऊंधै मारग चालै। पैलां यहूदी अर पळे गैर यहूदी माथै। **10**अर जको भलेरौ काम कर रेयौ है उणनै महिमा, आव-आदर अर सांति मिळसी। पैलां यहूदी नै अर पळे गैर यहूदी नै **11**क्यूकै परमेसर किणी रौ पख नीं लेवै।

12जका वैवस्था नै जाण्यां बिना पाप करुया है, वै वैवस्था रे बारे रेवता थकां ई खतम व्हे जावैला। अर जका वैवस्था में रेवता थकां पाप करुया वांनै वैवस्था मुजब ई दंड मिळैला। **13**क्यूकै वै जका फगत वैवस्था री कथा सुणै, परमेसर री दीठ में धरमी नीं है। धरमी तौ वै इज ठैराया जावैला, जका वैवस्था माथै चालै।

14इण वास्तै जद गैर यहूदी लोग जिणां रे कनै वैवस्था नीं है, आपरै सुभाव सू इज वैवस्था री बातां माथै चालै, तौ भलाई वारै कनै वैवस्था मत होवौ, वै आपरी वैवस्था खुद है। **15**वै आपरै मन माथै मंड्योड़े वैवस्था रे करमां नै दिखावै। वांरौ विवेक ई इण बात रौ साखीधर है अर वांरी मनगत री घाण-मथाण वांनै अपराधी बतावै के निरदोस कैवै।

16अै बातां उण दिन होवैला जद परमेसर मिनख री गुप्ताऊ बातां रौ, जिणां रौ म्हे उपदेस देऊ हूं उण सुभसंदेस रे मुजब यीशु मसीह रे मार्फत न्याय करैला।

यहूदी अर वैवस्था

17पण जे थूं खुद नै यहूदी कैवै है अर वैवस्था माथै थारौ भरोसौ है अर थारै परमेसर रौ थनै गुमेज है **18**अर थूं उगरी इंछा नै जाणै है अर आछी बातां नै अंगेजे,

क्यूंके वैवस्था सूं थनै सिखाईज्यौ है, 19थूं औ मानै है कै थूं आंधां रौ आगीवाण है, जका अंधारे मांय भटकै वां सारू थूं उजास है, 20अबोध लोगां नै मारग बतावणियाँ है, टाबरां रौ उपदेसक है क्यूंके वैवस्था में थनै सांपडतै ग्यान अर साच आछी तैरै ठाह है, 21तौ थूं जकौ दूजां नै सिखावै, खुद नै क्यूं नीं सिखावै? थूं जकी चोरी नीं करण रौ उपदेस देवै, खुद चोरी क्यूं करै? 22थूं कैवै के व्यभिचार नीं करणौ चाईजे, तौ पछै खुद व्यभिचार क्यूं करै? थूं मूरत्यां सूं धिरणा करै, तौ पछै मिंदर मांयलौ धन क्यूं खोसै? 23थूं तौ खुद वैवस्था माथै गुमेज करै, पछै वैवस्था तोड़'र परमेसर रौ निरादर क्यूं करै? 24“थारै कारण इज गैर यहूदियां मांय परमेसर रै नांव रौ अपमान होवै है?” जैडौ कै शास्त्र मांय लिख्योडौ है।

25जे थे वैवस्था नै मानौ जणै इज तौ खतनै रौ महत्त्व है, पण जे थे वैवस्था नै तोड़ौ, तौ थारौ खतनौ बिरथा है। 26जे किणी रौ खतनौ नीं होयौ, पण वौ वैवस्था रा अबोट नेमां माथै चालै तौ कांई वौ खतना विहूण होवता थकां ई उणरौ खतनौ नीं मान्यौ जावै? 27वौ मिनख जिणरौ सररी सूं खतनौ नीं होयौ पण वैवस्था नै बरोबर मानतौ चालै, तौ वौ थनै अपराधी ठैरावैला। जकै कनै लिखित वैवस्था रौ विधान है, अर जिणरौ खतनौ ई होयौ है, अर पछै ई वौ वैवस्था नै तोड़ै, 28तौ वौ बारै सूं यहूदी है पण वास्तव में यहूदी नीं है। सररी रौ खतनौ साचौ खतनौ नीं है। 29साचौ यहूदी तौ वौ है जकौ अंतस सूं यहूदी है। साचौ खतनौ आतमा सूं मन रौ खतनौ है, नीं कै लिखत री वैवस्था रौ। अडै आदमी री सरावणा मिनख नीं बल्कै परमेसर करया करै।

3 1इण वास्तै यहूदी होवण रौ कांई लाभ कै खतनै रौ कांई मोल? 2हरैक तैरै सूं भोत कीं। क्यूंके सै सूं पैलां परमेसर रौ उपदेस तौ वानै इज सूंपीज्यौ है। 3जे वां मांय सूं कीं विस्वासघाती ई होयग्या तौ कांई फरक पडै? कांई वारौ विस्वासघात परमेसर रै अखी भरोसै नै मेट देवैला? 4कदैई नीं, जे हरेक कांई कूडौ है तौ ई परमेसर साचौ ठैरैला। जियां कै शास्त्र मांय लिख्योडौ है :

“ताकि जद थूं कैवै, थूं सई साबत होवै
अर जद थारौ न्याय होवै, थूं जीतै।”

भजन संहिता 51:4

5इण वास्तै जे आपां री अधारमिकता परमेसर री धारमिकता सिद्ध करै तौ आपां कांई कैवां? कांई औ कैवां कै वौ आपरौ कोप म्हां माथै प्रगट कर'र अन्याय नीं करै? (म्हैं अेक मिनखरै रूप में म्हारी बात कैऊं हूं।) 6कदैई नीं, नींतर पछै वौ जगत रै न्याय रौ निवेडौ कियां करैला।

7पण थे कैय सकौ हौ: “जद म्हारै कूड सूं परमेसर रौ साच औरू इधकौ उजागर होवै है तौ इणसूं उणरी महिमा इज होवै, फेरू ई म्हैं दोखी करार क्यूं दिरीजू?” 8अर पछै क्यूं नीं कैवै: “आवौ! भूंडा काम करां ताकि भलाई प्रगट होवै।” जियां कै म्हारै बारे में निंदा करता थकां कीं लोग म्हां माथै तूमत लगावै है कै म्हे अडौ करां हां। पण अैडा लोग दोसी करार दिरीजण जोगा है। वै सगळा दोसी है।

कोई धरमी कोनी

9तौ पछै म्हे कांई कैवां? कांई म्हे यहूदी, गैर यहूदियां सूं किणी भांत आछा हां? नीं, बिल्कुल नीं। क्यूंके म्हे औ दरसाय चुक्या हां कै चायै यहूदी होवै, चायै गैर यहूदी, सगळा पाप रै वस मांय है। 10शास्त्र कैवै :

“कोई धरमी कोनी, अेक ई!

11 कोई समझणौ कोनी, अेक ई!

कोई अैडौ कोनी, जकौ प्रभु नै जोवै!

12 सगळा भटकग्या,

वै सगळा ई निकांमा बणग्या,

सागै ई सगळा रा सगळा, कोई पण अठै दया

तौ दिखावै कोनी, अेक ई नीं!”

भजन संहिता 14:1-3

13 “वांरा मूंडा खुली कबर सूं बणयोडा है,

वै आपरौ जीभ सूं छळ करै।”

भजन संहिता 5:9

“वांरै होठां माथै सांप रौ ज्हेर रैवै।”

भजन संहिता 140:3

14 “साप सूं कडवापणै सूं मूंडा भरयोडा रैवै।”

भजन संहिता 10:7

15 “हत्या करण सारू वै हर बगत उतावळा रैवै।

16 “वै जठै कठैई जावै विणास ई करै, दुख देवै।
17 वानै सांति रै मारग रौ ठा-ठिकाणौ कोनी।”

यशायाह 59:7-8

18 “वारी आंख्यां मांय प्रभु रौ डर-भौ कोनी।”

भजन संहिता 36:1

19 अबै म्हे औ जाणां हां के वैवस्था मांय जकौ कीं कैयीज्यौ है, वौ वानै संबोधित है जका वैवस्था रा ओयाळ है। जिणसूं के होक मूंडे नै बंद कयौ जाय सके अर आखौ जगत परमेसर रै दंडजोग ठैरै। 20 वैवस्था रा कामां सूं कोई आदमी परमेसर रै सांम्ही धरमी सिद्ध नीं व्हे सके। क्यूंके वैवस्था सूं जकौ कीं मिळे, वौ है पाप री पिछाण करणौ।

परमेसर मिनखां नै धरमी कियां बणावै

21 पण अबै साच्याणी मिनख खातर औ दरसाईज्यौ है कै परमेसर वैवस्था रै बिना ई उणनै आपरै पेटे सावळ कियां बणावै। पक्कांयत वैवस्था अर नबियां इणरी साख भरी है। 22 सगळा भरोसौ करणियां सारू यीशु मसीह में भरोसै सूं इज परमेसर री धारमिकता प्रगट करीजी है, बिना किणी पखपात रै। 23 क्यूंके पाप सगळां कर राख्या है अर सगळा परमेसर री महिमा सूं विहूण है। 24 पण यीशु मसीह माथै करीजी किरपा रै छुटकारे सूं अर उणरी किरपा सूं वै अेक सांपड़तै उपहार रै रूप में धरमी ठैराईज्या है। 25 परमेसर, आप माथै भरोसौ करण अर पापां सूं छुटकारौ दिरावण सारू लोगां नै यीशु मसीह दियो। वौ औ काम यीशु मसीह रै बलिदान रै रूप में कयौ। अैडौ औ प्रमाणित करण सारू करीज्यौ कै परमेसर सहनसील है, क्यूंके वौ पैलां वानै वारै पापां रौ दंड दिया बिना छोट दिया हा। 26 आज ई आपरौ न्याय दरसावण सारू वौ न्यायवान है अर न्याय करणियौ ई है, वारौ, जका कै यीशु मसीह में भरोसौ करै।

27 तो पछै घमंड करणौ कठै रैयो? वौ तो खतम होयग्यौ। औ कियां होयो? कांई उण विधि सूं जिणमें वैवस्था जिण कामां री चावना राखै, वानै करीजे? नीं, बल्कै उण विधि सूं जिण मांय भरोसौ समायोडौ है। 28 कोई आदमी वैवस्था रै कामां मुजब चाल'र नीं बल्कै भरोसौ कर'र ई धरमी बण सके। 29 कै पछै

परमेसर खाली यहूदियां रौ है? कांई वौ गैर यहूदियां रौ कोनी? हां, वौ गैर यहूदियां रौ ई है। 30 क्यूंके परमेसर अेक है। वौ इज वानै जकां रौ वारै भरोसै रै औसार माथै खतनौ होयो है, अर वानै जकां रौ खतनौ नीं होयो है, उणी'ज भरोसै माथै धरमी ठैरावेला। 31 तो कांई, म्हे भरोसै रै आधार माथै वैवस्था नै बिरथा ठैरावां हां? कदैई नीं। बल्कै म्हे तौ वैवस्था नै घणी सबळ बणावण में लाग्योडां हां।

इब्राहीम रौ दाखलौ

4¹ तो पछै म्हे कांई कैवां कै म्हांरा संसारी पिता इब्राहीम नै इणमें कांई मिळ्यौ? 2 क्यूंके जे इब्राहीम नै उणरै कामां रै कारण धरमी ठैराईजे तौ आ गुमेज करण री बात ही। पण परमेसर रै सांम्ही वौ गुमेज कर नीं सके। 3 पवित्र. शास्त्र कांई कैवै? “इब्राहीम परमेसर माथै भरोसौ कयौ अर वौ भरोसौ उणरै सारू धारमिक गिणीज्यौ।”^a

4 काम करणियै नै मजुरी देवणौ कोई दान नीं गिणीजे, वौ तौ उणरौ हक है। 5 पण जे कोई आदमी काम करण री ठौड उण परमेसर माथै भरोसौ करै, जकौ पापी नै ई छोट देवै है, तौ उणरौ औ अखी भरोसौ इज उणरी धारमिकता रौ कारण बण जावै। 6 इयां ई दाऊद ई उणने धिन माने जिणने कामां रै आधार बिना ई परमेसर धरमी मानै। वौ जद कैवै है :

7 “धिन है वै जकां रै वैवस्था विहूण कामां नै माफ करीज्या अर

जकां रै पापां नै ढकीजग्या!

8 धिन है वौ मिनख, जिणरै पापां नै परमेसर गिणिया ई कोनी!”

भजन संहिता 32:1-2

9 जणै कांई आ धिनता खाली वां खातर इज है जिणां रौ खतनौ होयो है, कै वारै खातर ई जकां रौ खतनौ नीं होयो। (हां, औ वां माथै ई लागू होवै, जकां रौ खतनौ कोनी होयो) क्यूंके म्हां कैयो है—इब्राहीम रौ भरोसौ इज उणरै सारू धारमिकता गिणीज्यौ। 10 तो औ कद गिणीज्यौ? जद उणरौ खतनौ होयग्यौ हौ तद

^a 4:3 उद्धरण उत्पत्ति 15:6

कै जद वो बिना खतनै हौ। नीं, खतनौ होयां पछे नीं बल्के खतनौ होवण री वेळा सूं पैलां।¹¹ अर पछे अेक निसांणरै रूप में वो खतनौ करवायौ। जकौ उण भरोसै रै फळसरूप धारमिकता री अेक छाप ही, जकौ वो उण बगत दरसायौ हौ जद उणरौ खतनौ होयोडौ कोनी हौ। इण वास्तै वो वां सगळां रौ पिता है जका हालांके बिना खतनै रै है, पण परमेसर माथै भरोसौ करै। (इण वास्तै वै ई धरमी बाजैला।)¹² अर वो वारो ई पिता है जकां रौ खतनौ होयो है पण वै म्हारै बडैरै इब्राहीम रै भरोसै माथै भरोसौ करै, जकौ कै उण खतनौ होवण सूं पैलां प्रगट करयौ हौ।

विस्वास अर परमेसर री वचन

¹³इब्राहीम अर उणरै वंसजां नै औ वचन कै वै संसार नै संभाळणिया होवैला, वैवस्था सूं नीं मिलियौ हौ, बल्के उण धारमिकता सूं मिल्यौ हौ जकी विस्वास सूं ऊपजै।¹⁴ जे जका वैवस्था नै मानै, वै जगत रा उत्तराधिकारी है तो विस्वार रौ कोई अरथ नीं रैवै अर वचन ई बिरथा जावै।¹⁵ लोग जद वैवस्था रौ पाळण नीं करै तद परमेसर री रीस रा भागी बणै, पण जटै वैवस्था है ई कोनी बटै किसी वैवस्था तोडीजै?

¹⁶इण वास्तै सिद्ध है कै परमेसर रौ वचन विस्वास रौ फळ है अर औ अचाचूक ई मिलै। इण भांत उणरौ वचन इब्राहीम रा सगळा वंसजां सारू साव तै है। नीं फगत वां खातर जका वैवस्था नै मानै बल्के वां सगळां सारू ई जका इब्राहीम री भांत ई भरोसौ राखै। वो आपां सगळां रौ पिता है।¹⁷ शास्त्र बतावै, “म्हें थनै (इब्राहीम) केई देसां रौ पिता बणावौ।”^a उण परमेसर री दीठ में वो इब्राहीम म्हारौ पिता है, जिण माथै उणरौ भरोसौ है। परमेसर, जकौ कै मरयोडा नै जीवता करै अर जकौ नीं है, उणनै आपौ देवै।

¹⁸मिनखाजून री सगळी आसावांरै खिलाफ आपरै मन आस संजोयोडै इब्राहीम उण माथै भरोसौ कर्यौ, इण वास्तै उणरै कैवण मुजब केई देसां रौ पिता बण्यौ। “थारै अणगिण वंसज होवैला।”^b ¹⁹आपरै विस्वास नै बिना डिगूं-पिचूं करयां अर औ जाणता थकां ई कै उणरी देही सो बरसां री बूढी मरियल होयगी है अर सारा बांझडी है, ²⁰परमेसर रै वचन माथै पूरौ भरोसौ

राख्यौ। इतौ ई नीं, भरोसै नै औरू पककौ करतौ थकौ परमेसर नै महिमा बगसी।²¹ उणनै अखी भरोसौ हौ कै परमेसर उणनै जकौ वचन दियौ है उणनै पूरौ करण में वो पूरी तरै समरथ है।²² इण वास्तै, “औ विस्वास उण सारू धारमिकता गिणीज्यौ।”^c ²³शास्त्र रौ औ वचन कै विस्वास उण सारू धारमिक गिणीज्यौ, नीं फगत उणरै सारू इज है, ²⁴बल्के म्हारै सारू ई है। परमेसर म्हारी, जका उणमें भरोसौ राखै, धारमिकता स्वीकार करैला। वो म्हारै प्रभु यीशु नै पाछौ जीवतौ कर्यौ।²⁵ यीशु, जिणनै म्हारै पापां सारू मारण नै संपीज्यौ अर म्हानै धरमी बणावण सारू उणनै मरयोडा मांय सूं पाछौ जीवतौ करीज्यौ।

परमेसर रौ प्रेम

5 ¹क्यूंके म्हे म्हारै विस्वास रै कारण परमेसर सारू धरमी होयग्या हां, इण वास्तै प्रभु यीशु मसीह रै मार्फत म्हारौ परमेसर सूं मिल्पा होयग्यौ है। ²उणी रै भरोसै रै कारण उणरी जिण किरपा में म्हारी स्थिति है, उण तांई म्हारी पूग होयगी है। अर म्हे परमेसर री महिमा रौ कोई अंस पावण री आस रौ आणंद लेवां। ³इतौ ई नीं, म्हे म्हारी अबखायां में ई आणंद लेवां हां। क्यूंके म्हे जाणां हां कै अबखायी धीरज नै जलम देवै। ⁴अर धीरज सूं परख्योडौ चरित्र निकळै। परख्योडौ चरित्र आस नै जलम देवै। ⁵अर आस म्हानै कदैई हतआस नीं होवण देवै क्यूंके पवित्र आतमा कांनी सूं म्हानै जकौ दिरीज्यौ है, परमेसर रौ प्रेम म्हारै हिये में ऊंधाईज्यौ है।

⁶क्यूंके म्हे जदकै अबार निबळा इज हा तौ बगतसर म्हां भगती हीणां सारू मसीह आपरौ बळिदान दियौ। ⁷कीं लोग इज किणी मिनख सारू आपरा प्राण त्यागण नै त्यार व्हे जावै, चायै वो प्रेरित मिनख इज क्यूं नीं होवै। ⁸पण परमेसर म्हां माथै आपरौ प्रेम दिखाव्यौ। जदकै म्हे तौ पापी ई हा, पण यीशु म्हारै सारू प्राण त्याग्या।

⁹क्यूंके अबै जद म्हे उणरै रगत रै कारण धरमी होयग्या हां तौ अबै वो म्हानै परमेसर री रीस सूं जरूर बचाय लेवैला। ¹⁰क्यूंके जद म्हे उण रा बैरी हा तौ वो आपरी म्रित्यु रै मार्फत परमेसर सूं म्हारौ मेळ-मिल्पा

^a 4:17 उद्धरण उत्पत्ति 17:5

^b 4:18 उद्धरण उत्पत्ति 15:5

^c 4:22 उद्धरण उत्पत्ति 15:6

करायौ तौ अबै जद म्हारौ मेळ-मिळाप होयग्यौ है तौ उणरै जीवण सूं म्हारौ औरू कित्ती घणी रक्षा होवैला। 11इतौ ई नीं, म्हे म्हारै यीशु रै मार्फत परमेसर री भगती पाप'र अबै उणरौ आणंद लेवां हां।

आदम अर यीशु

12इण वास्तै अेक आदमी (आदम) रै मार्फत जियां धरती माथे पाप आयौ अर पाप सूं प्रित्यु अर इण भांत प्रित्यु सगळा लोगां सारू आयी, क्यूंके पाप तौ सगळा कर्या हा। 13अबै देखौ, वैवस्था रै आवण सूं पैलां जगत मांय पाप हौ, पण जद तांई कोई वैवस्था नीं होवै किणी रौ ई पाप नीं गिणीजै। 14पण आदम सूं लेय'र मूसारै बगत तांई प्रित्यु सगळां माथे राज करती रैयी। प्रित्यु वां माथे बियां ई हावी रैयी जकां पाप कोनी कर्या हा, जियां आदम माथे।

आदम ई वैडौ इज हौ जैडौ वौ जकौ (मसीह) आवण वाळौ हौ। 15पण परमेसर रौ वरदान आदम रै अपराध जैडौ नीं हौ क्यूंके जे उण अेक आदमी रै अपराध रै कारण सगळा लोगां री प्रित्यु होयी तौ उण अेक आदमी यीशु मसीह री करुणारै कारण मिळी परमेसर री किरपा अर वरदान तौ सगळा लोगां री भलाई सारू कित्तौ कीं औरू बेसी है। 16अर औ वरदान ई उण पापी कांनी सूं लाईज्या परिणाम रै समान नीं है क्यूंके दंड सारू न्याय रौ आवणौ अेक अपराध पछे इज होयौ हौ। पण औ वरदान, जकौ दोस-मुगती कांनी ले जावै, केई अपराधां रै पछे आयौ हौ। 17इण वास्तै जे अेक आदमी रै उण अपराध रै कारण प्रित्यु रौ राज होयग्यौ, तौ जकौ परमेसर री किरपा अर उणरै वरदान री मोकळायत रौ—जिणमें धरती रौ वास है—उपभोग कर रैया है—वै तौ जीवण मांय उण अेक आदमी यीशु मसीह रै मार्फत औरू ई इधकौ राज करैला।

18सो, जियां अेक अपराध रै कारण सगळा लोगां नै दोसी ठेराईज्या, बियां ई अेक धरम रै काम सूं सब सारू परिणाम मांय अणंत जीवण देवण वाळी धारमिकता मिळी। 19इण वास्तै जियां उण अेक आदमी रै आग्या नीं मानण सूं सगळा लोग पाप रा भागी बणाईज्या, बियां ई उण आदमी री आग्याकारिता रै कारण सगळा लोग धरमी भी बणाय दिया जावैला। 20वैवस्था रौ आगमन इण वास्तै होयौ कै अपराध बध सकै। पण जटै पाप बध्यौ, बटै परमेसर री किरपा ई बेसी बधी। 21ताकि

जियां प्रित्यु रै मार्फत पाप राज कर्यौ, ठीक बियां ई म्हारै प्रभु यीशु मसीह रै मार्फत अणंत जीवण नै लावण सारू परमेसर री किरपा धारमिकतारै मार्फत राज करै।

पाप सारू मर्योडा पण मसीह में जीवता

6¹तौ पछे म्हे कांई कैवां? कांई आपां पाप इज करता रैवां ताकि परमेसर री किरपा बधती रैवे? 2कदैई नीं। आपां जका पाप सारू मरग्या हां, पाप मांय ई कियां जीवांला? 3कै पछे थे जाणौ कोनी कै म्हे, जकां यीशु मसीह मांय दीक्षा ली है, उणरी प्रित्यु री ई दीक्षा लीनी है। 4इण वास्तै उणरी प्रित्यु में दीक्षा लेवण सूं म्हे ई उणरै सागै इज गाडीजग्या हा ताकि जियां परमपिता री महिमावान सगती सूं यीशु मसीह नै मर्योडां मांय सूं जीवतौ करीजग्यौ हौ, बियां ई म्हे ई अेक नूवौ जीवण पावां।

5क्यूंके जद म्हे उणरी प्रित्यु में उणरै सागै रैया हां तौ उणरै जैडा पाछे उत्थान में ई उणरै सागै रैवांला। 6म्हे औ जाणां हां कै म्हारौ पुराणौ व्यक्तित्व यीशु रै सागै इज क्रूस माथे चढाईजग्यौ हौ ताकि पाप सूं भर्योडा म्हारा सरीर खतम ढै जावै। अर म्हे आगै सारू पाप रा दास बण्योडा नीं रैवां। 7क्यूंके जकौ मरग्यौ वौ पाप रै बंधण सूं छूटकौ पायग्यौ।

8अर क्यूंके म्हे मसीह रै सागै मरग्या, इण वास्तै म्हाने भरोसौ है कै म्हे उणरै सागै जीवांला ई। 9म्हे जाणां हां कै मसीह, जिणने मर्योडां मांय सूं जीवतौ करीज्यौ हौ, अमर है। उण माथे प्रित्यु रौ वस कदैई नीं चालैला। 10जकी मौत वौ मर्यौ है, वौ हमेस सारू पाप खातर मर्यौ है, पण जकौ जीवण वौ जीवै है, वौ जीवण परमेसर सारू है। 11इणी भांत थे थारै वास्तै ई सोचौ कै थे पाप सारू मर चुक्या हौ, पण यीशु मसीह मांय परमेसर सारू जीवता हौ।

12इण वास्तै थारै नासवान सरीरां माथे पाप रौ वस नीं चालै। ताकि थे पाप री इंछावां सूं कदैई नीं चालौ। 13आपरै सरीर रा अंगां नै अधरम री सेवा सारू पाप रै हस्तु मत करौ बल्कै मर्योडा मांय सूं जी उठण वाळां रै ज्यूं उणने परमेसर नै सूप दौ। अर आपरै सरीर रा अंगां नै धारमिकता री सेवा रै साधन रै रूप मांय परमेसर नै सूप देवौ। 14थारै माथे पाप रौ राज नीं होवैला क्यूंके थे वैवस्था रै सायरे नीं जीवौ बल्कै परमेसर री किरपा सूं जीवौ हौ।

धारमिकता रा सेवक

15तौ आपां काई करां? काई आपां पाप करां? क्यूंके आपां वैवस्था रै आधीन नीं, बल्के परमेसर री किरपा रै आधीन जीवां हां। कदैई नीं। 16काई थे नीं जाणौ के जद थे किणी री आग्या मानण सारू अपणै आपनै उणनै दास रै रूप में संपौ हो तौ थे दास हो। पछे भलाई थे पाप रा दास बणौ, जकौ थानै मार नांखसी अर चाये आग्या मानण रा दास बणौ, जकी थानै धारमिकता कांनी लेय जावैला। 17पण प्रभु नै धिन है कै हालांकै थे पाप रा दास हा, थे आपरै मन सूं वां उपदेसां री रीति नै मानी जका थानै संपीज्या हा। 18थानै पापां सूं छूटकौ मिळ्यौ अर थे धारमिकता रा सेवक बणया हा। 19(म्हें अंक दाखलौ देय रैयो हूं जिणसूं कै सगळा लोग समझ सकै, क्यूंके उणने समझणौ थां लोगां सारू अबखौ है।) क्यूंके थे थारै सरिर रा अंगां नै अपवित्रता अर वैवस्था विहणता रै आगै वारे दास रै रूप में संपु दिया हा, जिणसूं वैवस्था में हीणता होयी। अबै थे लोग ठीक बियां ई थारै सरिर रा अंगां नै दास रै रूप में धारमिकता नै संपु दौ, ताकि आवगौ समरपण जलमै।

20क्यूंके जद थे पाप रा दास हा तौ धारमिकता कांनी सूं थारै माथे कोई बंधण कोनी हो। 21अर देखौ, उण बगत थानै केडौ फळ मिळ्यौ? जिणरै सारू आज थे लजखाणा हो, जिणरौ छेहलौ फळ प्रित्यु है। 22पण अबै थानै पापां सूं छूटकौ मिळ्यौ है अर परमेसर रा दास बणाईज्या हो तौ जकी खेती थे काटौ हो, थानै परमेसर रै पेटै आवगौ समरपण मांय लेय जावैला। जिणरौ छेहलौ फळ है—अणंत जीवण। 23क्यूंके पाप रौ मोल तौ फगत प्रित्यु इज है जदके म्हारै प्रभु यीशु मसीह में अणंत जीवण, परमेसर रौ सांपडतै वरदान है।

ब्यांव रौ दिस्टांत

7 हे भायां, काई थे नीं जाणौ (म्हें वां लोगां सूं केऊं हूं जका वैवस्था नै जाणै है) के वैवस्था रौ राज मिनख माथे तद ताईज है जद ताईज वौ जीवतौ है? 2दाखलै सरूप अंक परण्योडी लुगाई आपरै धणी रै सागै विधान मुजब तद ताईज बंध्योडी है जद ताईज वौ जीवतौ है। पण जे उणरौ धणी मर जावै, तौ वौ ब्यांव वाळा नेमां सूं छूट जावै। 3धणी रै जीवतां जे बा किणी परायै पुरुस सूं सगपण जोडै तौ उणनै व्यभिचारणी कैईजै, पण जे उणरौ धणी मर जावै तौ ब्यांव रा नेम

उण माथै नीं लागै अर इण वास्तै जे वा दूजै मिनख री व्हे जावै तौ ई वा व्यभिचारणी नीं बाजै।

4हे म्हारा भायां, इयां ई मसीह री देही रै मार्फत वैवस्था सारू थे ई मर चुक्या हो। इण वास्तै अबै थे ई किणी दूजै सूं नातौ जोड सकौ हो। उणसूं जिणनै मस्योडां मांय सूं पाछौ जीवतौ करीज्यौ है। ताकि आपां परमेसर सारू करमां री आछी खेती पका सकां। 5क्यूंके जद आपां मानव सुभाव रै मुजब जीवै हा, आपां री पाप वाळी वासनावां जकी वैवस्था रै मार्फत आयी ही, आपां रै अंगां माथे हावी ही। ताकि आपां करमां री अईदी खेती करां जिणरौ अंत प्रित्यु में होवै। 6पण अबै आपां नै वैवस्था सूं छुटकारौ दिरीज्यौ है क्यूंके जिण वैवस्था रै हेठळ आपां नै बंदी बणाईज्योडी हो, आपां उणरै खातर मर चुक्या हा। अर अबै आपां जूनी लिखत वाळी वैवस्था सूं नीं, बल्के आतमा री नूवी रीति सूं प्रेरित होय'र आपां आपां रै स्वामी परमेसर री सेवा करां हां।

पाप सूं राड

7तौ पछे म्हे काई केवां? काई म्हे केवां के वैवस्था पाप है? कदैई नीं। जकौ कां होवौ, जे वैवस्था नीं होवती तौ म्हें पिछाण ई नीं सकतौ के पाप काई है? जे वैवस्था नीं बतावती, “जकौ गळत है उणरी चावना मत करौ।” तौ पक्कांयत म्हें नीं जाण सकतौ हो के गळत चावना काई है। 8पण पाप, मौकौ मिळतां ई वैवस्था रौ लाभ उठावतौ थकौ म्हारै मांय हर तरै री अईदी चावनावां भर दी जकी गळत काम सारू ही। वैवस्था रै अभाव मांय पाप तौ मरग्यौ। 9अंक समै म्हें बिना वैवस्था रै ई जीवतौ हो, पण जद वैवस्था रौ आदेस आयौ तौ पाप जीवण में उभरग्यौ। 10अर म्हें मरग्यौ। वौ इज वैवस्था रौ आदेस जकौ जीवण देवण सारू हो, म्हारै वास्तै प्रित्यु लेय आयौ। 11क्यूंके पाप नै मौकौ मिळ्यौ अर वौ उणी वैवस्था रै आदेस सूं म्हनै छळ्यौ अर उणी रै मार्फत म्हनै मार नांख्यौ।

12इण तरै वैवस्था पवित्र है अर वौ विधान पवित्र, धरमी अर सिरे है। 13तौ जणै इणरौ काई ओ अरथ है कै जकौ उत्तम है, वौ इज म्हारी प्रित्यु रौ कारण बण्यौ? कदैई नीं। बल्के पाप उण उत्तम रै मार्फत म्हारै सारू प्रित्यु रौ इण वास्तै कारण बण्यौ के पाप नै पिछाण्यौ

जाय सके। अर वैवस्था रै विधान रै मार्फत उणरी भयानक पाप-लीला दिखायी जाय सके।

मन री घाण-मथाण

14क्यूके म्हे जाणां हां के वैवस्था तौ आत्माऊ है अर म्हे हाड-मास रौ भौतिक मिनख हू जकौ पाप री चाकरी सारू बिक्योड़ी है। 15म्हें नीं जाणू के म्हे काई कर रैयौ हू, क्यूके म्हे जकौ करणौ चाऊं हू, करू कोनी, बल्के म्हनै वौ माडाणी करणौ पड़े, जिणसू के म्हे धिरणा करू हू। 16अर जे म्हे वौ इज करू हू जकौ म्हे नीं करणौ चाऊं, तौ म्हे स्वीकार करू हू के वैवस्था सै सू सिरे है। 17पण हकीगत में वौ म्हे नीं हू जकौ औ सो-कीं कर रैयौ है, बल्के औ म्हारे मांय बस्योड़ी पाप है। 18हां, म्हे जाणू हू के म्हारे मांय, मतळब के म्हारे भौतिक मिनखा सरिर मांय किणी आछी चीज रौ वासौ कोनी। नेकी करण री इंछा तौ म्हारे मांय है पण नेक काम म्हासू होवै कोनी। 19क्यूके जकौ आछौ काम म्हे करणौ चाऊं हू, म्हे नीं करू बल्के जकौ म्हे नीं करणौ चाऊं, वै इज माडा काम म्हे करू हू। 20अर जे म्हे वै इज काम करू हू जका के म्हे करणा नीं चाऊं तौ हकीगत में वारी कर्ता जकौ वाने कर रैयौ है, म्हे कोनी, बल्के वौ पाप है जकौ म्हारे मांय बस्योड़ी है।

21इण वास्तै म्हे म्हारे मांय औ नेम पाऊं हू के म्हे जद आछौ करणौ चाऊं हू, तौ म्हारे मांय बुराई नै इज मैसूसू। 22आपरी अंतरात्मा मांय म्हे परमेसर री वैवस्था नै घणैमान मानू हू। 23पण खुद रै सरिर मांय म्हे अेक दूजै इज नेम नै काम करतौ देखू हू। औ म्हारे चिंतन माथे राज करण वाळी वैवस्था सू जुद्ध करै अर म्हनै पाप री वैवस्था रौ बंधाणी बणाय लेवै। आ वैवस्था म्हारे सरिर मांय क्रियासील है। 24म्हें अेक अभागौ आदमी हू। म्हनै इण सरिर सू जकौ म्रित्यु रौ कवौ है, छुटकारौ कुण दिरावैला? 25म्हारे प्रभु यीशु मसीह रै मार्फत म्हे परमेसर नै धिनवाद देऊं हू। इण वास्तै म्हारे हाड-मास रै सरिर सू म्हे वैवस्था रौ गुलाम होवता थकां ई आपरी बुद्धि सू परमेसर री वैवस्था रौ चाकर हू।

आतमा सू जीवण

8¹इण भांत अबै वारे सारू जका यीशु मसीह मांय रैवै, कोई दंड कोनी। क्यूके वै सरिर मुजब

नीं, आतमा मुजब चालै।^a 2क्यूके आतमा री वैवस्था, जकी यीशु मसीह में जीवण देवै, थनै पाप री वैवस्था सू जकी म्रित्यु कांनी लेय जावै, आजाद कर दियौ है।^b 3जिणने मूसा री वा वैवस्था जकी मिनख रै भौतिक सुभाव रै कारण निबळी बणाईजगी ही, नीं कर सकी उणनै परमेसर आपरै पूत नै आपां रै सरीखे ई सरीर मांय भेज'र जिणसू आपां पाप करां—उणरी भौतिक देह नै पाप वाळी बणा'र पाप नै निरस्त कर'र पूरौ कर्यौ। 4जिणसू के आपां कांनी सू जका देही री भौतिक विधि सू नीं, बल्के आतमा री विधि सू जीवै है, वैवस्था री जरूरतां पूरी करी जाय सके।

5क्यूके वै जका आपरै भौतिक मिनख सुभाव मुजब जीवै है, वारी बुद्धि मिनख सुभाव री इंछावां माथे टिक्योड़ी रैवै, पण वै जका आतमा रै मुजब जीवै, वारी बुद्धि जिंयां आतमा चावै वां इंछावां में लाग्योड़ी रैवै। 6भौतिक मिनख सुभाव रै वसु रैवण वाळे मन रौ अंत म्रित्यु है, पण आतमा रै वस में रैवण वाळी बुद्धि रौ फळ है—जीवण अर सांति। 7इण भांत भौतिक मिनख सुभाव रै आंकस वाळी मन परमेसर रौ विरोधी है। क्यूके वौ ना तौ परमेसर रै नेमां रै आधीन है अर ना ई होय सके। 8अर वै जका भौतिक मिनख सुभाव मुजब जीवै, परमेसर नै राजी नीं कर सके।

9पण थे लोग भौतिक मिनख सुभाव रा ओयाळ कोनी, बल्के आतमा रा ओयाळ हौ, जे साच्याणी थारे मांय परमेसर री आतमा रौ वासौ है। पण जे किणी में यीशु मसीह री आतमा नीं है तौ वौ मसीह रौ कोनी।

10दूजै कांनी जे थारे मांय मसीह है तौ भलाई थांरी देही पाप रै सारू मरगी है, पवित्र आतमा परमेसर रै सागै थानै धारमिक ठेराय'र खुद थारौ जीवण बण जावै है। 11अर जे वा आतमा, जकी यीशु नै मर्योड़ां मांय सू जीवतौ कर्यौ हौ, थारे मांय वास करै है तौ वौ परमेसर जकौ यीशु नै मर्योड़ा मांय सू जीवायौ हौ, थारे नासवान सरिरां नै आपरी आतमा सू जीवण देवैला, जकी कै थारे मांय इज बसै है।

12इण वास्तै म्हारा भायां, आपां माथे इण भौतिक सरिर रौ करजौ तौ है, पण अेड़ी बात नीं है के आपां इणरै मुजब जीवां। 13क्यूके जे थे भौतिक सरिर मुजब

^a 8:1 क्यूके ... चालै कीं यूनानी पड़तां मांय औ भाग जोड़ीज्यौ है।

^b 8:2 थनै कीं यूनानी पड़तां मांय है "म्हनै"

जीवोला तौ मरोला। पण जे थे आतमा रै मार्फत सरीर रै वैवारां रौ खातमौ कर देवोला तौ थे जी जावोला।

14जका परमेसर री आतमा मुजब चालै, वै परमेसर री संतान है। 15क्यूकै वा आतमा जकी थानै मिळी है, थानै पाछा दास बणावण कै डरावण सारू नीं है, बल्कै वा आतमा जकी थे पायी हौ थानै परमेसर रै पाळ्योड़ी संतान बणावै। जिणसूं आपां हेलौ करां, “हे अब्बा, हे पिता!” 16वा पवित्र आतमा खुद आपां री आतमा रै सागै मिळ'र इण बात री साख भरै है कै आपां परमेसर री संतान हां। 17अर क्यूकै आपां उणरी संतान हां, आपां ई उत्तराधिकारी हां, परमेसर रा उत्तराधिकारी अर मसीह रै सागै म्हे उत्तराधिकारी जे वास्तव में उणरै सागै दुख उठावै है तौ आपां नै उणरै सागै महिमा मिळैला इज।

म्हानै महिमा मिळसी

18क्यूकै म्हारै विचार मांय इण बगत री म्हारी जातनावां, प्रगट होवण वाळी भावी महिमा रै आगै कीं नीं है। 19क्यूकै आ सिस्टी घणी आसा सूं उण बगत री बाट जोवै है जद परमेसर री संतान नै प्रगट करीजैला। 20आ सिस्टी निःसार ही, आपरी इंडा सूं नीं बल्कै उणरी इंडा सूं जकौ इणनै इण आस रै आधीन करी 21कै आ ई कदैई आपरी विणास-मानता सूं छूटकौ पाय'र परमेसर री संतान री सांगोपांग आजादी रौ आणंद लेवैला।

22क्यूकै म्हे जाणां हां कै आज तांई आखी सिस्टी पीड़ में कुरळावती अर तड़फती रेयी है। 23खाली आ सिस्टी ई नीं, म्हे ई जिणां नै आतमा रौ पैलौ फळ मिळ्यौ है, मांय रा मांय कुरळावता रेया हां। क्यूकै म्हानै उणरै कांनी सूं पूरी तरे अपणायत री उडीक है कै म्हारी देही मुगत व्हे जावैला। 24म्हारी उद्धार होयी है। इणी सूं म्हारै मन में आस है, पण जद म्हे जिण री आस करां, उणनै देख लेवां तौ पछे वा आस नीं रैवै। जकौ सांम्ही दीखे उणरी आस कुण कर सकै। 25पण जिणनै आपां देखां कोनी, जे उणरी आस करां तौ धीरज अर थावस रै सागै उणरी बाट जोवां हां।

26इणी भांत जियां आपां कुरळावां, आतमा आपां री निबळायी में सहायता करण नै आवै क्यूकै आपां नीं जाणां कै आपां किण सारू प्रार्थना करां। पण आतमा खुद अैडी सिसक्यां भर'र, जिणनै सबदां में

नीं दरसाईज सके, आपां रै सारू वीणती करै है। 27पण वौ अंतरजामी जाणै है कै आतमा री मनसा कांई है। क्यूकै परमेसर री इंडा सूं इज वा परमेसर रै पवित्र लोगां सारू बिचोळकी बणै।

28अर म्हे जाणां हां कै हरेक परिस्थिति मांय वा आतमा परमेसर रै प्रेरितां सागै मिळ'र वै काम करै जिणसूं भलाई होवै—वां सगळां सारू जकां नै उणरै मनै मुजब ई बुलाईज्या है। 29जकां नै वौ पैलां ई टाळ लिया, वांनै पैलां ई आपरै पूत रै रूप में ठेराया जिणसूं कै मोकळै भायां रौ वौ सै सूं बडौ भाई बण सकै। 30जकां नै वौ पैलां सूं तै कर लिया, वांनै ई वौ बुलाया अर जकां नै वौ बुलाया, वांनै वौ धरमी ठेराया अर जकां नै वौ धरमी ठेराया, वांनै महिमा ई बगसी।

परमेसर रौ प्रेम

31तौ इणनै देख'र म्हें कांई कैवां? जे परमेसर म्हारै पख में है तौ म्हारै विरोध में कुण होय सकै? 32वौ जकौ आपरै पूत नै बचा'र नीं राख्यौ बल्कै उणनै म्हां सगळां सारू मरण नै संप दियो। वौ भलां म्हानै उणरै सागै अर सो-कीं क्यू नीं देवैला? 33परमेसर रै टाळ्योड़ा लोगां माथे अैडी कुण है जकौ दोस जडैला? वौ परमेसर इज है जकौ वांनै निरदोस ठेरावै। 34अैडी कुण है जकौ वांनै दोसी ठेरावैला? मसीह यीशु वौ है जकौ मरग्यौ (अर इणसूं ई महताऊ बात आ है कै) उणनै पाछौ जीवतौ करीज्यौ। जकौ परमेसर रै जीवणै पासै बैठ्यौ है अर म्हारी तरफ सूं वीणती ई करै है 35कुण है जकौ म्हांनै मसीह रै प्रेम सूं अलग करैला? जातना कै अबखायी कै अत्याचार कै अकाळ कै नागापणौ कै जोखम कै तलवार? 36जियां कै शास्त्र कैवै :

“थारै (मसीह) सारू आखे दिन म्हांनै प्रित्यु नै सूंपीजै।

म्हे काटीजण वाळी भेड़ जियां समझ्या जावां हां।”

भजन संहिता 44:22

37तौ ई उणरै मार्फत, जकौ म्हांसूं प्रेम करै है, आं सगळी बातां मांय म्हे अेक जोरदार जीत हासल कर रेया हां। 38क्यूकै म्हें मान चुक्यौ हूं कै ना प्रित्यु, ना जीवण, ना सुरगदूत अर ना सासण करण वाळी आतमावां, ना वरतमान री कोई वस्तु अर ना भविस

री कोई वस्तु, ना आत्माऊ सगत्यां, **39**ना कोई म्हारै ऊपर रौ ना म्हासूं नीचलौ, ना सिस्टी री कोई दूजी वस्तु म्हानें प्रभु रै उण प्रेम सूं अलग कर सकै, जकौ म्हारै मांय प्रभु यीशु मसीह रै सारू है।

परमेसर अर यहूदी लोग

9 **1**मसीह मांय, म्हें साची कैऊं हूं। म्हें कूड़ नीं बोलूं अर म्हारी चेतना जकी पवित्र आतमा सूं उजासित है, म्हारै सागै म्हारी साखी देवे है, **2**कै म्हने गैरौ दुख है अर म्हारै मन मांय लगोलग पीड़ है। **3**कदास, म्हें चाह सकतौ कै आपरै भायां-बैनां अर सांसारिक रिस्तेदारां सारू म्हें मसीह रौ स्राप म्हारै माथै लेय लेवतौ अर उणसूं निरवाळौ होय जावतौ। **4**जका इस्राएली है अर जकां नै परमेसर री पाळी-पोखी संतान होवण रौ अधिकार है, जका परमेसर री महिमा रा दरसण कर चुक्या है, जका परमेसर रै करार रा भागीदार है। जकां नै मूसा री वैवस्था, साची उपासना अर वचन दिरीज्या है। **5**पुरखा वां सूं ई सगपण राखै अर मिनखा सरीर री दीठ सूं मसीह वां में इज जलम्यौ जकौ सगळां रौ परमेसर है अर हमेसा धिन है! आमीन!

6अैड़ी नीं है कै परमेसर आपरी वचन पूरी नीं कर्यौ क्युकै जका इस्राएल रा वंसज है, वै सगळा इस्राएली कोनी। **7**अर ना ई इब्राहीम रा वंसज होवण रै कारण वै सगळा साच्याणी इब्राहीम री संतान है। बल्कै जियां परमेसर कैयौ, “थारा वंसज इसहाक रै मार्फत आपरी बेल बधावैला।” **8**इण वास्तै अैड़ी नीं है कै परकत सूं डीलगत जलम लेवणिया टाबर परमेसर रा वंसज है, बल्कै परमेसर रै वचन सूं प्रेरित होवण वाळा उण रा वंसज मानीजै। **9**वचन इण भांत कैवीज्यौ हौ: “ठीक बगत माथै म्हें बावडूला अर सारा पुत्रवती होवैला।” **10**

10इतौ ई नीं, जद रिबका ई अेक आदमी, म्हारै बडेरा पिता इसहाक सूं जापायती होयी **11**तौ बेटां रै जलमण सूं पैलां अर वारै की ई भलौ-भूंडौ करण सूं पैलां कैवीज्यौ हौ, जिणसूं परमेसर री वा चावना सिद्ध होवै जकी चुणाव सूं सिद्ध होवै। **12**अर जकौ मिनख रै करमां माथै नीं टिक्योडौ बल्कै उण परमेसर माथै टिक्योडौ है जकौ बुलावण वाळौ है। रिबका सूं

कैवीज्यौ, “बडौ बेटौ छोटकियै बेटे री सेवा करसी।” **13**शास्त्र कैवै : “म्हें याकूब नै टाळ्यौ अर इसाऊ नै नकार दियौ।” **d**

14तौ पळे म्हे काई केवां? काई परमेसर अन्यायी है? **15**कदैई नीं! क्युकै वौ मूसा सूं कैयौ हौ, “म्हें जिण किणी माथै दया करण री सोचूंला, दया दिखाऊंला। अर जिण किणी माथै किरपा करणी चाऊंला, करूंला।” **e**

16इण वास्तै ना तौ औ किणी री इंछा माथै निरभर करै अर ना किणी री भाजादौडी माथै बल्कै दयालु परमेसर माथै इज निरभर करै। **17**क्युकै शास्त्र मांय परमेसर, फिरौन सूं कैयौ हौ, “म्हें थने इण वास्तै ऊभौ कर्यौ हौ कै म्हें म्हारी सगती थारै मांय दिखाय सकूं। अर म्हारौ नांव आखी धरती माथै घोसित करीजै।” **f**

18इण वास्तै परमेसर जिण माथै चावै, दया करै अर जिणनै चावै, करडौ बणाय देवै।

19तौ पळे थूं सायद म्हासूं कैवैला, “जे म्हारै करमां रौ करता-धरता परमेसर है तौ पळे फेरूं ई वौ उण मांय म्हारौ दोस क्यूं समझै?” छेवट उणरी इंछा रौ विरोध कुण कर सकै है? **20**मिनख, थूं कुण होवै है जकौ परमेसर सूं सांम्ही मूडै सवाल-जबाब करै? काई कोई रचना आपरै रचणहार सूं पूछ सकै है, “थूं म्हने अैड़ी क्यूं बणायी?” **21**काई किणी कुंभार नै माटी माथै औ अधिकार कोनी कै वौ माटी रै किणी अेक लुंदै सूं अेक बरतण खास काम सारू अर दूजौ भांडौ हीणै काम सारू बणावै?

22पण इणमें काई बडी बात, जे परमेसर आपरी रीस दिखावण अर आपरी सगती बतावण सारू वां लोगां री, जका रीस रा पात्र हा अर जकां रौ विणास होवण वाळौ हौ, घणै धीरज सागै सहन करी, **23**वौ वारी सहन करी जिणसूं कै वौ वां लोगां रै लाभ सारू जका दया रा पात्र हा अर जकां नै वौ आपरी महिमा पावण सारू बणाया हा, वां माथै आपरी महिमा प्रगट कर सकै। **24**मतळब कै आपां नै, जकां नै वौ नीं फगत यहूदियां मांय सूं बुलाया बल्कै गैर यहूदियां मांय सूं ई बुलाया **25**जियां के होशे री पोथी मांय लिख्योडौ है :

c 9:12 उद्धरण उत्पत्ति 25:23

d 9:13 उद्धरण मलाकी 1:2-3

e 9:15 उद्धरण निर्गमन 33:19

f 9:17 उद्धरण निर्गमन 9:16

a 9:7 उद्धरण उत्पत्ति 21:12

b 9:9 उद्धरण उत्पत्ति 18:10,14

“जका लोग मर्या नीं हा
 वाने म्हें म्हारा कैऊला।
 अर वा लुगाई जकी व्हाली नीं ही
 म्हें उनै प्रिया कैऊला।”

होशे 2:23

यशायाह 8:14;23:16

26 अर,

“वेडौ इज घटैला जैडौ उणी भाग में वांसूं
 कैवीज्यौ हौ,
 ‘थे लोग म्हारी प्रजा कोनी।’
 बटै इज वै जीवतै परमेसर री संतान बाजैला।”

होशे 1:10

27 अर यशायाह इस्राएल बाबत हाकौ कर र कैवै :

“हालांके असाएल री संतान समदर री बेकळूरै
 कणूकां री भांत अणगिण है।
 तौ ई वां मांय सू थोड़ा क ई बचैला।

28 क्यूंके प्रभु धरती माथे आपरै न्याय नै पूरी तरे सू
 अर बेगौ ई पूरैला।”

यशायाह 10:22-23

29 अर जैडौ के यशायाह भविसवाणी करी ही :

“जे सरब सगतीवान प्रभु म्हारै सारू,
 वंसज नीं छोडतौ
 तौ म्हे सदोम जियां
 अर अरोमा जियां ई व्हे जावता।”

यशायाह 1:9

30 अबै बतावौ म्हे कांई कैवां? म्हे इण नतीजै माथे
 पूयां हां के दूजी जातियां रा लोग जका धारमिकता
 री खोज में नीं हा, वै धारमिकता हासल करली? वै
 जका विस्वास रै कारण इज धारमिक ठैराईज्या। 31 पण
 इस्राएल रा लोगां, जका अेडी वैवस्था माथे चालणौ
 चावै हा जकी वाने धारमिक ठैरावै, उणरै मुजब नीं जी
 सक्या। 32 क्यूं नीं? क्यूंके वै इणरौ पाळण भरोसै सू नीं,
 बल्के आपरै करमां सू करे हा। वै उण चट्टाण माथे टोकर
 खायग्या, जकी टोकर देवै। 33 जियां के शास्त्र कैवै :

“देखौ, म्हें सियोन मांय अेक भाठौ राखूं हूं,
 जकौ टोकर खुवावै

अर अेक चट्टाण जकी अपराध करावै।
 पण वौ जकौ उण माथे भरोसौ करै, उणनै
 कदैई हतआस नीं होवणौ पडैला।”

10 हे भायां, म्हारी आ हियै-तणी इच्छा
 है अर म्हें परमेसर सू वां सगळां खातर
 प्रार्थना करूं हूं के वारौ कल्याण व्हे। 2 क्यूंके म्हें इण
 बात री साख भरूं हूं के वां मांय परमेसर री धुन है।
 पण वा ग्यान माथे टिक्योडी कोनी, 3 क्यूंके वै उण
 धारमिकता नै नीं जाणै जकी परमेसर सू मिळै अर वै
 आपरी ई धारमिकता री थापना रौ जतन करता रेया,
 इण वास्ते वै परमेसर री धारमिकता नै नीं स्वीकारी।
 4 मसीह वैवस्था रौ अंत कर्यौ जिणसूं के हर कोई
 जकौ विस्वास करै है, परमेसर सारू धारमिक होवै।

5 धारमिकता बाबत, जकी कै वैवस्था सू हासल
 होवै, मूसा लिख्यौ है, “जकौ वैवस्था रै नेम-कायदां
 माथे चालसी, वौ वारै कारण जीवतौ रेवैला।”^a

6 पण विस्वास सू मिळण वाळी धारमिकता रै विसय
 में शास्त्र औ कैवै है: “थूं खुद सू औ मत पूछ, ‘सुरा
 में ऊपर कुण जावैला?’ ” (मतळब, “मसीह नै धरती
 माथे लावण सारू।”) 7 “कै, ‘नीचे पताळ में कुण
 जावैला?’ ” (मतळब, “मसीह नै धरती रै हेटे सू ऊपर
 लावण सारू। यानी मसीह नै मर्योडां मांय सू पाळौ
 लावण नै।”)

8 शास्त्र औ कैवै : “वचन थारै कनै है, थारै होटां
 माथे है अर थारै मन मांय है।”^b मतळब विस्वास
 रौ वौ वचन जिणरौ म्हे प्रचार करां हां। 9 के जे थूं थारै
 मूंडे सू कैवै, “थीशु मसीह प्रभु है,” अर थूं खुद रै मन
 मांय औ भरोसौ करै कै परमेसर उणनै मर्योडां मांय सू
 जीवतौ कर्यौ है, तौ थारौ उद्धार व्हे जावैला। 10 क्यूंके
 आपरै हिरदे रै भरोसै सू मिनख धारमिक ठैराईजे अर
 आपरै मूंडे सू उणरै विस्वास नै स्वीकार करण सू उणरौ
 उद्धार होवै।

11 शास्त्र कैवै: “जकौ कोई उणमें भरोसौ राखे,
 उणनै निरास नीं होवणौ पडैला।”^c 12 औ इण वास्ते
 कै यहूदियां अर गैर यहूदियां मांय कोई भेद कोनी,

^a 10:5 उद्धारण लैव्य व्यवस्था 18:5

^b 10:6-8 उद्धारण व्यवस्था विवरण 30:14

^c 10:11 उद्धारण यशायाह 28:16

क्यूँके सगळ्यां रौ प्रभु तौ अेक इज है। अर उणरी दया वां सगळ्यां सारू अपरम्पार है, जका उणरौ सिमरण करै। **13**हरेक उणरौ कल्याण होवेला, जकौ प्रभु रौ नांव लेवै।”^a

14पण वै जका उण माथै भरोसौ नीं करै, उणरौ नांव कियां पुकारसी? अर वै जका उणरै बाबत कीं सुण्यौ ई कोनी, उण माथै भरोसौ कियां करैला? अर पछै भलां जद ताई वांनै कोई उपदेस देवणियौ नीं मिळै, वै कियां सुण सकैला? **15**अर उपदेसक तद ताई उपदेस ई कियां देय सकैला जद ताई वांनै भेजीज्या नीं होवै? जियां कै शास्त्रां में कैयीज्यौ है : “सुभसंदेस लावणियै रा चरण कित्ता फूटरा है।”^b

16पण सगळा उण सुभसंदेस नै मान्यौ कोनी। यशायाह कैवै, “हे प्रभु, म्हारै उपदेस नै कुण स्वीकार कर्यौ?”^c **17**इण वास्तै उपदेस सुणण सूं भरोसौ बंधै अर उपदेस तद सुणौजै जद कोई मसीह बाबत उपदेस देवै।

18पण म्हें कैऊं हूं, “काई वै म्हारै उपदेस नै नीं सुण्यौ?” हां, पक्कायत। शास्त्र कैवै :

“वांरौ सुर आखी धरती माथै पसरग्यौ,
अर वांरा वचन जगत रै अेक छोर सूं दूजै छोर
लग पूग्यौ।” *भजन संहिता 19:4*

19पण म्हें पूछूं हूं, “काई इस्त्राएली समझता कोनी हा?” मूसा कैवै :

“पैलां म्हें थां लोगां रै मन में, अैड़ा लोगां रै
मार्फत जका साच्याणी कोई जात रा नीं है,
ईसकौ पैदा करूला।
म्हें विस्वास-विहूण जात रै मार्फत थानै रीस
दिराऊला।” *व्यवस्था विवरण 32:21*

20पछै यशायाह हीमत रै सागै कैयौ :

“म्हनै वै लोग हासल कर लियो
जका म्हनै कोनी सोधै हा।

म्हें वां सारू प्रगत होयग्यौ जका म्हारी खोज-
खबर में कोनी हा।” *यशायाह 65:1*

21पण परमेसर इस्त्राएलियां बाबत कैयौ है,

“म्हें आखौ दिन आग्या नीं मानणियां
अर म्हारा विरोधियां आगै हाथ पसारतौ
रैयौ।” *यशायाह 65:2*

परमेसर आपरै लोगां नै नीं बिसराया

11 ¹“तौ म्हें पूछूं हूं, “काई परमेसर आपरै इज लोगां नै नकार नीं दिया?” कदैई नीं। क्यूँके म्हें ई अेक इस्त्राएली हूं, इब्राहीम रै वंस सूं अर बिन्यामीन रै गोत्र सूं हूं। ²परमेसर आपरै लोगां नै नीं नकार्या, जिणां नै वौ पैलां सूं टाळ्या हा। या थे औ नीं जाणौ कै अेलिय्याह बाबत शास्त्र काई कैवै : कै जद अेलिय्याह परमेसर सूं इस्त्राएल रा लोगां रै खिलाफ प्रार्थना करै हो? ³“हे प्रभु, वै थारा नबियां नै मार नांख्या। थारी वेदियां नै तोड़ नांखी। फगत म्हें इज अेकलौ नबी बच्यौ हूं अर वै म्हनै ई मारण रा जतन करै है।”^d ⁴पण उण बगत परमेसर उणनै कैडौ उथळौ दियो हो, “म्हें म्हारै सारू सात हजार लोग बचाय राख्या है जकां बाल रै आगै ई माथौ नीं निंवायौ।”^e

⁵इण वास्तै आजकाल ई कीं अैड़ा लोग बच्या है जका उणरी किरपा रै कारण टाळीज्या है। ⁶अर जे औ परमेसर री किरपा रौ फळ है तौ लोग जका करम करै, औ वां करमां रौ फळ कोनी। नींतर तौ परमेसर री किरपा, किरपा ई नीं बाजती।

⁷तौ इणसूं काई? इस्त्राएल रा लोग जिणनै सोधै हा, वै उणनै नीं पाय सक्या। पण टाळीज्योड़ां नै वौ मिळ्यौ। जदके बाकी सगळ्यां नै करड़ा बणाईज्या। **8**शास्त्र कैवै है :

“परमेसर वांनै अेक चेतनाविहूण आतमा बगसी।”
यशायाह 29:10

“अैड़ी आंख्यां दी, जकी देख नीं सकै ही
अर अैड़ा कान दिया जका सुण नीं सकै हा।

^a 10:13 उद्धरण योअेल 2:32

^b 10:15 उद्धरण यशायाह 52:7

^c 10:16 उद्धरण यशायाह 53:1

^d 11:3 उद्धरण 1 राजा 19:10, 14

^e 11:4 उद्धरण 1 राजा 19:18

अर आ इज गत आज ताई बणयोड़ी है।”

व्यवस्था विवरण 29:4

9दाऊद कैवै :

“आपरे इज भोजनां में फंस’र वै बंदी बण जावै
वांरो पतन होवै अर वांनै दंड मिलै।

10 वारी आंख्यां धुंधळी व्हे जावै, जिणसूं कै वै देख
नीं सकै

अर थूं वारी पीड़रै हेठळ, वारी कड़तू
सदां सारू झुकायोड़ी राखै।”

भजन संहिता 69:22-23

11इण वास्तै म्हें कैऊं हूं, काई वै इण खातर ठोकर
खायी कै वै आखड़’र खतम हो जावै? पक्कायत नीं।
बल्के वारे गळती करण सू गैर यहूदी लोगां नै छूटकौ
मिळ्यौ ताकि यहूदियां में होड माचै। 12इण भांत जे
वारै गळती करण रौ अरथ सगळै संसार रौ लाभ है
अर जे वारे भटकणै सू गैर यहूदियां रौ लाभ है तौ वारी
संपूर्णता सू घणौ कीं होवैला।

13औ अबै म्हें थांसू कैय रैयौ हूं, जका कै यहूदी
कोनी, क्यूंके म्हें खास रूप सू गैर यहूदियां सारू प्रेरित
हूं। म्हें म्हारे काम रै पेटै पूरी तरे लाग्योड़ी हूं। 14इण
आस रै सागै कै म्हें म्हारे लोगां में ई होड जगाय सकूं
अर वां मांय सूं कीं लोगां रौ कल्याण करूं। 15क्यूंके
जे परमेसर कांनी सू वांनै नकार दिया जावण सू जगत
में परमेसर रै सागै मेळ-मिळाप पैदा होवै तौ पळे वांनै
अपणावणा काई मर्योड़ां मांय सू जीवावणौ नीं
होवैला? 16जे म्हांरी भेंट रौ अेक भाग पवित्र है तौ
काई वौ सगळी ई अबोट कोनी? जे रूख री जड़ पवित्र
है तौ काई उणरी सगळी डाळ्यां अबोट कोनी।

17पण जे कीं डाळ्यां तोड़’र फेंक दिरीजी अर थूं
जकौ अेक जंगळी जैतून री डाळी है, उण माथै पेबंद
चढाईज जावै अर वा जैतून रै आधै रूख री जड़ां री
सगती रौ हिस्सौ बंटावण लागै, 18तौ थनै वां डाळ्यां
रै आगै, जकी तोड़’र फेंकीजगी ही, घमंड नीं करणौ
चाईजै। अर जे थूं घमंड करै तौ चेतै राख के थूं वौ
नीं है जकौ जड़ां नै पाळै है, बल्के आ तौ वा जड़
इज है जकी थनै पाळै है। 19अबै थूं कैवैला, “हां,
पण डाळ्यां इण वास्तै तोड़ीजी ही कै म्हारौ पेबंद

चढै।” 20औ साच है कै वै आपरै अविस्वास रै कारण
तोड़’र फेंकीजी पण थूं थारै विस्वास रै बूतै थारी ठौड़
टिक्योड़ौ रैयौ। इण वास्तै इणरी गरब मत कर बल्के
डरतौ रह। 21जे परमेसर परकतगत डाळ्यां नीं रैवण
दी तौ वौ थनै ई नीं रैवण देवैला।

22इण वास्तै थूं परमेसर री कंवळाथी नै देख अर
उणरी करड़ाई माथै ध्यान दै। आ करड़ाई वारै सारू है
जका पड़या, पण उणरी करुणा थारै सारू है, जे थूं थारै
माथै उणरी किरपा बणयोड़ी रैवण देवै। नींतर रूख सू थूं
ई काट फेंक्यौ जावैला। 23अर जे वै आपरै अविस्वास
में नीं रैवै तौ वांनै ई पाछी रूख सू जोड़ ली जावैला क्यूंके
परमेसर समरथ है कै वांनै फेरू जोड़ देवै। 24जद थनै
परकतगत रूप सू जंगळी जैतून रै रूख री अेक डाळी री
भांत तोड़’र परकतरै खिलाफ अेक आछै जैतून रै रूख
सू जोड़ीजग्यौ, तौ अेक उण रूख री आपरी डाळ्यां
है, आपरै इज रूख सू मजै सू क्यूं नीं जोड़ीज जावैला।

25हे भायां! म्हें थानै इण लुक्योड़े साच सू
अणजाण नीं राखणा चाऊं, कै थे खुदोखुद नै स्याणा
समझण लागौ कै इस्राएल रा कीं लोग इयां ई करड़ा
बणाईजया है अर वै उणी भांत बण्या रैसी जद ताई
कै घणा सारा गैर यहूदी परमेसर रै परिवार रा अंग नीं
बण जावै। 26अर इण भांत आखै इस्राएल रौ उद्धार
व्हेला। जियां कै शास्त्र कैवै :

“उद्धार करण वाळी सिय्योन सू आवैला;

वौ याकूब रै परिवार सू सगळी बुरायां दूर
करैला।

27 म्हारौ औ वाचौ वारै साथै

तद होवैला जद म्हें वारै पापां नै हर लेऊंला।”

यशायाह 59:20-21; 27:9

28जठै ताई सुभसंदेस रौ सगपण है, वै थारै हित
मांय परमेसर रा दोखी है, पण जठै ताई परमेसर
कांनी सू वांनै टाळण री सगपण है, वै वारै पुरखां नै
दिरीज्योड़े वचन मुजब परमेसर रा व्हाला है। 29क्यूंके
परमेसर जिणनै बुलावै अर जिणनै वौ देवै, उणरी तरफ
सूं आपरौ मन कदैई नीं फोरै। 30क्यूंके जिण भांत थे
लोग पैलां कदैई परमेसर री आग्या कोनी मानता हा
पण अबै थानै उण अवग्या रै कारण परमेसर री दया
मिळ्योड़ी है। 31बियां ई अबै वै उणरी आग्या नीं मानै

क्यूँके परमेसर री दया थौरै माथै है। ताकि अबै वानै ई परमेसर री दया मिल्लै। **32**क्यूँके परमेसर सगळा लोगां नै अवग्या रै कारागार मांय इण वास्तै रोड़ राख्या है कै वौ वां माथै दया कर सकै।

परमेसर धिन है

33परमेसर री करुणा, बुद्धि अर ग्यान किता अपरम्पार है। उण रा न्याय किता गैरा है; उण रा मारग किता गूढ है। **34**शास्त्र कैवे है :

“प्रभु रै मन नै कुण जाणै?

अर उणनै सल्ला देवणियो कुण व्हे सकै?”

यशायाह 40:13

35 “परमेसर नै कुण कांई दियो है?

कै वौ किणी नै उणरै बदळै कीं देवे।”

अय्यूब 41:11

36क्यूँके सगळां री सिरजणहार वौ इज है। उणी सूं सगळा थिर है अर वौ वारै वास्तै इज है। उणरी हमेस महिमा बणी रैवै। आमीन।

आप-आपरी जीवण प्रभु नै अरपण करी

12 **1**इण वास्तै हे भायां, परमेसर री दया नै चेतै कराय'र म्हें थांसूं अरज करूं हूं कै आप-आपरी जीवण अक जीवतै बळिदान रै रूप में परमेसर नै राजी करता थकां अरपित कर दौ। आ थारी आध्यात्मिक उपासना है, जिणनै थानै उणनै चुकावणी है। **2**अबै इणसूं आगै इण दुनिया री रीत माथै मत चालौ बल्कै आप-आपरे मन नै नूंवौ बणाय'र खुदोखुद नै बदळ नाखौ। जिणसूं कै थानै ठाह पड़ जावे कै परमेसर थौरै सारू कांई चावे है। मतलब जकौ उत्तम है, जकौ उणनै भावै अर जकौ अपणै आप में पूरो है।

3इण वास्तै किरपा रै कारण जकौ उपहार वौ म्हनै दियो है, उणनै ध्यान में राखता थकां म्हें थानै हरेक नै कैऊं हूं, अपणै आपनै समझौ, मतळब कै जित्तौ विस्वास वौ थानै दियो है, उणी मुजब खुद नै समझणौ चाईजै। **4**क्यूँके जियां आपां मांय सूं हरेक रै सरार में केई अंग है। भलाई सगळै अंगां रा काम अक सरीखा

मत होवौ। **5**आपां केई हां पण मसीह मांय आपां देही रै रूप में अकमेक व्हे जावां। इण भांत हरेक अंग दूजै अंग सूं जुड़ जावै।

6तौ पढै उणरी किरपा मुजब आपां नै जका न्यारा-न्यारा उपहार मिळ्या है, आपां वानै सावळसर बरतां। जे किणी नै भविसवाणी री खिमता दिरीजी है तौ उणनै आपरै कनै जित्तौ विस्वास है उणरै मुजब भविसवाणी करणी चाईजै। **7**जे किणी नै सेवा करण री उपहार मिळ्यौ है तौ अपणै आपनै सेवा सारू समरपित कर देवै, जे किणी नै उपदेस देवण रौ काम मिळ्यौ है तौ उणनै खुदोखुद नै प्रचार में लगावणौ चाईजै। **8**जे कोई सल्ला देवण री खिमता राखै तौ उणनै सल्ला देवणी चाईजै। जे किणी नै दान देवण रौ उपहार मिळ्यौ है तौ उणनै मुगत भाव सूं दान देवणौ चाईजै। जे किणी नै आगीवाण बणण रौ उपहार मिळ्यौ है तौ वौ लगन रै सागै आगीवाणी करै। जिणनै दया दिखावण नै मिळी है, तौ उणनै राजी हुय'र दया करणी चाईजै।

9थारौ प्रेम साचौ होवै। थे माड़े काम सूं धिरणा करौ। नेकी सूं जुड़ौ। **10**भाईचारै रै सागै अक-दूजे रै पेटे अपणायत राखौ। आपस में अक-दूजे नै घणै मान बेसी सूं बेसी महत्त्व देवौ। **11**हंस राखौ, आळस त्यागी। आतमा रै तेज सूं पळकौ। प्रभु री सेवा करौ। **12**आपरी आस में राजी रैवौ। आफत री बगत धीजौ राखौ। लगोलग प्रार्थना करता रैवौ। **13**परमेसर रा लोगां री जरूरत में हाथ बंटावौ। अतिथि सत्कार रा टाणा दूढता रैवौ।

14जका थानै सतावै वानै आसीरवाद देवौ। वानै स्राप मत देवौ, आसीसां देवौ। **15**जका राजी है वारै सागै राजी रैवौ। जका दुखी है, वारै दुख में दुखी होवौ। **16**मेळमिळाप सूं रैवौ। गरब मत करौ बल्कै दीनहीणां री संगत करौ। खुद नै घणा स्याणा मत समझौ।

17बुराई री बदळौ बुराई सूं किणी नै मत देवौ। सगळा लोगां री आंख्यां में जकौ आछौ काम होवै वौ इज करण री सोचौ। **18**जठे तांई बण पड़ै, सगळा मिनखां रै सागै राजी-खुसी रैवौ। **19**किणी सूं अपणै आप बदळौ मत लेवौ। म्हारा मित्रां, बल्कै इणनै परमेसर री रीस माथै छोड दौ, क्यूँके शास्त्र में लिख्योड़ी है : “प्रभु कैयो है बदळौ लेवणौ म्हारौ काम है। पड़दान म्हें देऊला।”^a

^a 12:19 उद्धरण व्यवस्था विवरण 32:35

20 बल्कै थूं तौ

“जे थारौ सत्रु भूखौ है, तौ उणनै भोजन करा।

जे वौ तिरसौ है, तौ उणनै पीवण नै दै।

क्यूंके जे थूं अँडौ करैला तौ वौ थासूं
लजखाणौ पडसी।” नीति. 25:21-22

21 बुराई सूं मत हार बल्कै आपरी नेकी सूं बुराई नै
हराय नांख।

सासक री आग्या मानौ

13 1 हेरेक आदमी नै प्रधान सत्ता री
आधीनता स्वीकारणी चाईजै। क्यूंके
सासन रौ अधिकार परमेसर कांनी सूं है। अर जका कनै
अधिकार मौजूद है वानै परमेसर ई भोळाय राख्या है।
2 इण वास्तै जकौ सत्ता री खिलाफत करै, वौ परमेसर
री आग्या री खिलाफत करै है। अर जकौ परमेसर री
आग्या री खिलाफत करै, वै दंड रा भागी बणसी। 3 अबै
देखौ, कोई सासक उण आदमी नै जकौ नेकी करै, नीं
डरावै बल्कै उणनै इज डरावै जकौ भूंडा काम करै। जे
थे सत्ता सूं नीं डरणौ चावौ, तौ भला काम करता रैवौ।
थानै सत्ता री सरावणा मिळसी।

4 जका सत्ता मांय है वै परमेसर रा सेवक है, वै थारौ
भलौ करण सारू है। पण जे थूं भूंडौ काम करै तौ उणसूं
डर क्यूंके उणरी तलवार बेकार कोनी। वौ परमेसर रौ
सेवक है जकौ भूंडा काम करणियां माथै परमेसर री
रीस लावै। 5 इण वास्तै समरपण जरूरी है। नीं फगत
डररै कारण बल्कै थारी आपरी चेतनारै कारण।

6 इणी वास्तै तौ थे लोग कर ई चुकावौ हौ क्यूंके
अधिकारी परमेसर रौ चाकर है जकौ आपरै कर्तव्यां
नै इज पूरा करण में लाग्योडौ रैवै। 7 जिण किणी रौ
थनै देवणौ है, चुकाय दै। जकौ कर थनै देवणौ है, वौ
दै। जिणरी चूंगी थारै माथै निकळे, उणरी चूंगी चुका।
जिणसूं थनै डरणौ चाईजै, थूं उणसूं डर। जिणरौ आदर
करणौ चाईजै उणरौ आदर कर।

प्रेम इज विधान है

8 आपसी प्रेमरै टाळ किणी रौ रिण खुद माथै मत राख,
क्यूंके जकौ आपरै साथ्यां सूं प्रेम करै, वौ इण भांत
वैवस्था नै इज पूरी करै है। 9 म्हें औ इण वास्तै कैऊं
हूं, “व्यभिचार मत कर, हत्या मत कर, चोरी मत कर,

लोभ-लाळच मत राख।”^a अर जकी ई दूजी वैवस्थावां
व्हे सके है, इण वचन में समाय जावै, “थनै थारै साथीं
सूं बियां ई प्रेम करणौ चाईजै, जियां थूं अपणै आपसूं
करै।”^b 10 प्रेम आपरै साथी रौ बुरी कदई नीं करै। इण
वास्तै प्रेम करणौ, वैवस्था रै विधान नै पूरौ करणौ है।

11 औ सो-कीं थे इण वास्तै करौ कै जैडै बगत में
थे रैय रैया हौ, उणनै जाणौ हौ। थे जाणौ हौ कै थारै
सारू खुद री नींद सूं जागण रौ समै आयग्यौ है, क्यूंके
जद आपां विस्वास धारण कर्यौ हौ, आपां रौ उद्धार
अबै उणसूं साव नैडौ है। 12 “रात” लगैटगै बीतगी है,
“दिन” कनै इज है। इण वास्तै आवौ, आपां वां करमां
सूं छूटकौ पाय लेवां जका अंधारै रा है। आवौ, आपां
उजास रा अस्वां नै धारण करां। 13 इण वास्तै आपां
बियां ई आछी रीत सूं रैवां जियां दिन री बगत रैवां
हां। अणूती दावतां में जाय’र कठैई खा-पीय’र धुत्त नीं
व्हे जावौ। लुच्चापणै, दुराचार अर व्यभिचार में मत
पड़्या। ना झौड़ मांड्या अर ना ई किणी सूं ईसकौ। 14 थे
तौ प्रभु यीशु मसीह नै धारण करौ। आपरी मिनखादेही
री इंछावां नै पूरी करण में इज मत लाग्या रैवौ।

दूजां में खोट मत काटौ

14 1 जिणरौ भरोसौ काचौ है, उणरौ ई स्वागत
करौ, पण मतभेदां माथै झौड़ करण सारू
नीं। 2 कोई आ मानै कै वौ सगळौ कीं खाय सके, पण
कोई दूबळौ आदमी फगत साग-पात इज खावै। 3 तौ
वौ, जकौ हर तरै रौ खाणौ खावै है, उणनै उण आदमी
नै हीण नीं समझणौ चाईजै जकौ थोडौ-घणौ खावै।
बियां ई वौ जकौ घणी चीजां नीं खावै, उणनै ई सगळौ
कीं खावणियै नै कीं नीं कैवणौ चाईजै। क्यूंके परमेसर
उणनै अंगेज लियौ है। 4 थूं किणी दूजे घर रै दास माथै
दोस मंडणियो कुण होवै है? उणरी हामळ के पळे उणनै
गळत ठैरावणौ तौ मालक माथै इज निरभर है। वौ
आसरै में रैवैला क्यूंके उणनै प्रभु आसरौ देय’र टिक्यौ
रैवण री सगती दी है।

5 अर पळे कोई किणी अेक दिन नै सगळा दिनां सूं
सिरै मानै अर दूजौ उण दिन नै सगळा दिनां रै बरोबर
इज मानै तौ हेरेक आदमी नै पूरी तरे सूं आपरी बुद्धि
री बात इज मानणी चाईजै। 6 जकौ किणी विसेस दिन

^a 13:9 उद्धरण निर्गमन 20:13-15, 17

^b 13:9 उद्धरण लैव्य व्यवस्था 19:18

मनावै, वौ उणनै प्रभु नै आदर देवण सारू इज मनावै। अर जकौ सगळौ कीं खावै वौ प्रभु नै आदर देवण सारू इज खावै। क्यूंके वौ परमेसर रौ धिनवाद करै। अर जकौ केई चीजां कोनी खावै, वौ ई अँडौ इण वास्तै इज करै क्यूंके वौ ई प्रभु नै आदर देवणौ चावै। वौ ई परमेसर नै इज धिनवाद देवै है।

7हां मांय सूं कोई नीं तौ आपरै सारू जीवै है अर ना ई आपरै सारू मरै। 8म्हे जीवां हां तौ फगत प्रभु सारू अर जे मरां हां तौ ई प्रभु सारू। इण वास्तै भलाईं म्हे जीवां के मरां, हां तो आपां प्रभु रा इज। 9इण वास्तै मसीह मर्यौ; अर इणी सारू जीवतौ ई होय उठ्यौ ताकि वौ, वै जका अबै मर चुक्या है अर वै जका अजै जीवता है, दोनूं रौ प्रभु बण सके।

10इण वास्तै थूं विस्वास मांय सबळ भाईं माथै दोस क्यूं मंढे? के पळे थूं थारै विस्वास में निबळै भाईं नै हीणौ क्यूं मानै? आपां सगळां नै परमेसर रै न्याय रै सिंघासण आगै ऊभणौ पड़सी। 11शास्त्र में लिख्योइ है :

“प्रभु कैयौ है, ‘म्हारै जीवण री सौगन’
‘हरेक नै म्हारै सांम्ही गोडा ढाळणा पड़सी;
अर हरेक जवान परमेसर नै ओळखैला।’”

यशायाह 45:23

12इण वास्तै आपां मांय सूं हरेक नै परमेसर रै आगै आपरौ लेखौ-जोखौ देवणौ पड़सी।

पाप सारू मत उकसाव

13इण वास्तै आपां आपसरी में खोट काढणी बंद करां अर औ निरचै करां के म्हारै भाईं रै मारग में म्हे कोई रोडौ नीं अटकावां अर ना ई उणनै पाप करण खातर उकसावांला। 14प्रभु यीशु मांय आस्थावान होवण रै कारण म्हें मानूं हूँ के अपणै आप मांय कोई भोजन अपवित्र कोनी। वौ फगत उणरै सारू अपवित्र है, जकौ उणनै अपवित्र मानै, उणरै सारू उणनै खावणौ गळत है।

15जे थारै भाईं नै थारै भोजन सूं ठबक लागै तौ थूं साच्याणी उण सागै हेत रौ वैवार नीं कर रैयौ है। इण वास्तै थूं थारै भोजन सूं उणनै टेस मत पुगा। क्यूंके मसीह उण खातर भी आपरा प्राण तजिया है। 16इण वास्तै जकौ थारै वास्तै चोखौ है उणनै निंदाजोग मत बणण दै। 17क्यूंके परमेसर रौ राज खाली

खावणौ-पीवणौ नीं है बल्के वौ तौ धारमिकता है, सांति है अर पवित्र आतमा सूं मिळ्यौ आणंद है। 18जकौ मसीह री भांत सेवा करै, उण माथै परमेसर हमेस तूटै अर लोग ई उणनै घणौ मान देवै।

19इण वास्तै, वां बातां में लागौ जकी सांति बधावै अर जिणसूं अेक दूजै नै आत्माऊ बधोतरी में सहायता मिळै। 20खुद रै जीमण खातर परमेसर रै काम नै मत बिगाडौ। हरेक भांत रौ भोजन पवित्र है पण किणी ई आदमी सारू वौ कीं खावणौ ठीक कोनी जकौ किणी दूजै भाईं नै पाप रै मारग धकोलै। 21मांस नीं खावणौ सिरे है, दारू नीं पीवणौ आछौ है अर कीं ई अँडौ नीं करणौ ठीक है जकौ थारै भाईं नै पाप रै गेलै घालै।

22थारै भरौसै नै परमेसर अर थारै बिचाळै इज राख। वौ धिन है जकौ जिणनै आछौ समझै, उणरै सारू खुद नै दोसी नीं समझै। 23पण जे कोई अँडौ चीज खावै, जिणनै खावण पेटे वौ राजी-बाजी नीं है तौ वौ दोसी बाजैला। क्यूंके उणरौ खावणौ उणरै विस्वास मुजब नीं है अर वौ सगळौ कीं जकौ विस्वास माथै टिक्योइ कोनी, पाप है।

15 1आपां जका आत्माऊ रूप सूं सबळ हा, वांनै उणां री निबळायी सहणी चाईजै जका सबळा कोनी। आपां नै खाली खुद नै इज राजी नीं राखणौ चाईजै। 2आपां मांय सूं हरेक दूसरा नै ई इण भावना सूं राजी राखां के वारी आत्माऊ बधोतरी होवै। 3अठे ताईं के मसीह ई खुद नै राजी नीं कर्यौ। बल्के जियां के मसीह बाबत शास्त्र कैवै है : “वांरौ अपमान जकां थारौ अपमान कर्यौ है, म्हारै माथै आय पड़ियौ है।”^a 4हरेक वा बात जकी शास्त्रां मांय पैलां लिखीजी, आपां नै सीख देवण सारू इज ही। इणसूं जकौ धीरज अर बधावै शास्त्रां सूं मिळै है, आपां मांय उणसूं आस जागै। 5अर आखे धीरज अर बधापै रौ स्रोत परमेसर, थानै वरदान देवै के थे लोग अेक-दूजैरे सागै यीशु मसीह रै मारग माथै चालता थकां आपसरी में अपणायत सूं रैवौ।

6ताकि थे सगळा अेकै सागै अेक सुर सूं म्हारै प्रभु यीशु मसीह रा परमपिता परमेसर नै महिमा बगस सकौ। 7इण वास्तै अेक दूजै सूं अपणायत राखौ जियां थे मसीह नै अपणायौ। औ परमेसर री महिमा खातर

^a 15:3 उद्धरण भजन सहिता 69:9

करौ। 8^{मैं} थां लोगों नै बताऊं हूं के औ प्रगट करण सारू के परमेसर भरोसैजोग है, वारै पुरखां नै दिरीज्यै परमेसर रै वचन नै पक्कौ करण सारू मसीह यहूदियां रौ चाकर बण्यौ। 9^{ताकि} गैर यहूदी लोग ई परमेसर नै उणरी करुणा सारू महिमा बगस सकै। शास्त्र कैवै है :

“इण वास्तै गैर यहूदियां रै बिचाळै
थनै पिछाणूला अर थारै नांव री महिमा
गाऊंला।” *भजन संहिता 18:49*

10^{अर} औ ई कैयीज्यौ,

“हे गैर यहूदियां, परमेसर रा टाळ्योड़ा लोगां सागै
राजी-बाजी रैवौ।” *व्यवस्था विवरण 32:43*

11^{अर} पछै शास्त्र औ ई कैवै है,

“हे गैर यहूदी लोगां, थे प्रभु री स्तुति करौ।
अर सगळी जातियां! परमेसर री स्तुति करौ।”
भजन संहिता 117:1

12^{अर} पछै यशायाह ई कैवै,

“यिश्शै रौ अेक वंसज प्रगट व्हेला
जकौ गैर यहूदियां रै सासक रै रूप में उभरसी।
गैर यहूदी उण माथै आपरौ भरोसौ
जतावैला।” *यशायाह 11:10*

13^{सगळी} आसावां रौ स्रोत परमेसर, थानै आवगै आणंद अर सांति सूं भर देवै, जेड़ौ के थारौ उण मांय भरोसौ है। ताकि पवित्र आतमा री सगती सूं थे आसा सूं राता-माता व्हे जावौ।

पौलुस कान्नी सूं आपरै कागद अर कामां री चरचा

14^{हे} म्हारा भायां, म्हनै खुद नै थारै माथै भरोसौ है के थे नेकी सूं भर्योड़ा हौ अर म्यान सूं राता-माता। थे अेक-दूजै नै सीख देय सकौ हौ। 15^{पण} थानै पाळौ चेतै करावण सारू म्हें कीं विसयां बाबत साव साफ लिख्यौ है। म्हनै परमेसर री जकी किरपा मिळी है, म्हें उण कारण इज औ लिख्यौ है। 16^{मतळब} के म्हें गैर

यहूदियां सारू यीशु मसीह रौ चाकर बण'र परमेसर रै सुभसंदेस सारू अेक याजक रै रूप मांय काम करूं ताकि गैर यहूदी परमेसर रै आगै स्वीकार करणजोग भेंट बण सकै अर पवित्र आतमा रै मार्फत परमेसर सारू पूरी तैरै पाक बणै।

17^{इण} वास्तै यीशु मांय अेक मिनखरै रूप में परमेसर रै पेटै म्हारी सेवा रौ म्हनै गुमेज है। 18^{क्यूंके} म्हें फगत वां इज बातां नै केवण री हीमत करूं हूं जकी नै मसीह गैर यहूदियां नै परमेसर री आग्या मानण रौ मारग दिखावण रौ काम म्हारै वचनां, म्हारै करमां, 19^{अचरज} जोग चिह्नां अर अचरज भर्या कामां री सगती अर परमेसर री आतमा रै सामरथ सूं, म्हारै मार्फत पूरा कर्या। इण वास्तै यरूशलेम सूं लेय'र इल्लुरिकुम रै च्यारूमेर मसीह रै सुभसंदेस रै उपदेस रौ काम म्हें पूरौ कर्यौ। 20^{म्हारै} मन मांय हमेस आ चावना रैयी है के म्हें सुभसंदेस रौ उपदेस बठै दूं जटै कोई मसीह रौ नांव तक नीं जाणै, जिणसूं के म्हें किणी दूजै आदमी री नींव माथै निरमाण नीं करूं। 21^{पण} शास्त्र कैवै :

“जकां नै उणरै बारै में नीं बताईज्यौ, वै उणनै
देखैला।

अर जकां सुणियौ तक नीं, वै ई समझैला।”

यशायाह 32:15

पौलुस रौ रोम जावण रौ मत्तौ

22^{म्हारा} अै कर्तव्य म्हनै थारै कनै आवण सूं बार-बार रोकता रैया है।

23^{पण} क्यूंके अबै आं प्रदेसां मांय कोई ठौड़ नीं बची है अर घणै बरसां सूं म्हें थांसूं मिळणौ चाऊं हूं, 24^{इण} वास्तै म्हें जद इसपानिया जाऊंला तद आसा है, थांसूं मिळसूं! म्हनै उम्मेद है के इसपानिया जावती बगत थांसूं मिळाप होवैला। थारै सागै कीं दिन ठैरण रौ आणंद लियां पछै म्हनै भरोसौ है के बठै री जात्रा सारू म्हनै थारौ मदद मिळैला।

25^{पण} अबार म्हें परमेसर रा पवित्र लोगां री सेवा मांय यरूशलेम जाऊं हूं। 26^{क्यूंके} मकिदुनिया अर अखैया रै कलीसिया रा लोगां यरूशलेम मांय परमेसर रै पवित्र लोगां मांय जका दीनहीण है, वां सारू कीं देवणौ तै कर्यौ है। 27^{हां}, वारै सारू वारौ कीं कर्तव्य ई बणै है, क्यूंके जे गैर यहूदियां, यहूदियां रै आध्यात्माऊ

कामां मांय हिस्सौ बंटायौ है तौ गैर यहूदियां नै ई वां सारू भौतिक सुख जुटावणौ चाईजै। 28सो म्हारौ औ काम पूरौ कर'र अकठ करीज्यै धन नै सावळसर वारै हाथां में संप्यां पळे म्है थारै नगर सूं होवतौ थकौ इसपानिया सारू रवाना होऊंला 29अर म्है जाणूं हूं कै जद म्है थारै कनै आऊंला तौ थारै सारू मसीह री पूरी आसीसां रे सागै आऊंला।

30हे भायां, थांसूं म्है प्रभु यीशु कानीं सूं आतमा सूं जकौ प्रेम पावे, उणरी साखी देय'र प्रार्थना करूं हूं कै थे म्हारै कानीं सूं परमेसर रे पेटे साची प्रार्थनावां मांय म्हारौ सागौ देवौ 31कै म्है यहूदियां मांय अभरोसौ राखणियां सूं बच्योडौ रेऊं अर यरूशलेम रे पेटे म्हारी सेवा नै परमेसर रा पवित्र जन स्वीकारै। 32ताकि परमेसर री इंछा मुजब म्है राजी-खुसी थारै कनै आय'र थारै सागै आणंद मनाय सकूं। 33आखी सांति रौ धाम परमेसर थारै सागै रैवै। आमीन।

रोम रा मसीहियां नै पौलुस रौ संदेस

16 1म्है किखिया री कलीसिया री खास सेविका म्हारी बैन फीबे री थांसूं सिफारस करूं हूं 2कै थे उणने प्रभु मांय अैडी रीत सूं अंगेजौ जैडी रीत परमेसर रा लोगां रे जोगी है। उणने थांसूं जकी चीजां री चावना होवे, वै सगळी देय'र थे उणरी मदद करजौ, क्यूंकै वा म्हारै समेत घणकरां री सहायक रैयी है।

3 प्रिस्का अर अक्विला नै म्हारौ नमस्कार। वै यीशु मसीह मांय म्हारा सहकरमी है। 4वां म्हारा प्राण बचावण सारू आपरै जीवण नै ई दांव माथै लगाय दीनौ हौ। म्है नीं फगत वांनै धिनवाद देऊं हूं बल्कै गैर यहूदियां री सगळी कलीसियां ई वारी धिनवादी है।

5 उण कलीसियां नै ई म्हारौ नमस्कार जकी वारै घरै भेळी होवै।

म्हारा व्हाला मित्र इपनिंतुस नै म्हारौ नमस्कार जकौ अेशिया में मसीह नै अपणावणियो पैलौ मिनख है।

6 मरियम नै नमस्कार, जकी थारै सारू घणा काम करया है।

7 म्हारा कुटुम्बी अन्द्रनीकुस अर यूनियास नै ई

नमस्कार, जका म्हारै सागै कैदखाने में हा अर जका खास धरम-प्रचारकां मांय चावा है अर जका म्हासूं ई पैलां मसीह में हा।

8 प्रभु मांय म्हारा व्हाला मित्र अम्पलियातुस नै नमस्कार। 9मसीह में म्हारा सहकरमी उरबानुस अर म्हारा व्हाला मित्र इस्तुखुस नै नमस्कार। 10मसीह में खरा अर साचा अपिल्लेस नै नमस्कार।

अरिस्तुबुलुस रे परिवार नै नमस्कार। 11यहूदी साथी हिरोदियोन नै नमस्कार।

नरकिस्सुस रे परिवार रा वां लोगां नै नमस्कार, जका प्रभु में है। 12त्रुफेना अर त्रुफोसा नै जका प्रभु में मैणती कार्यकर्ता है, नमस्कार। म्हारी व्हाली परसिस नै म्हारौ नमस्कार, जकी प्रभु में घणी मैणत करी है।

13 प्रभु रे बेजोड चाकर रूफुस नै अर उणरी मां नै, जकी म्हारी ई मां रैयी है, नमस्कार।

14 असुक्रितुस, फिलगोन, हिर्मस, पत्रुबास, हिर्मोस अर वारै साथी-बंधुवां नै नमस्कार।

15 फिलुलुगुस, यूलिया, नेर्युस अर उणरी बैन उलुम्पास अर वारै सगळा साथी संतां नै नमस्कार।

16 थे लोग पवित्र व्हालै सूं अेक-दूजै रौ सुआगत करौ।

थानै सगळी मसीही कलीसियां कानीं सूं नमस्कार।

17हे भायां, म्है थांसूं अरज करूं हूं कै थां जकी शिक्षा हासल करी हौ, उणसूं उलट थारै मांय जका फूट नांखे अर दूजां रे विस्वास नै बिगाडै, वांसूं सावचेत रैवौ। वांसूं अळथा इज रैवौ। 18क्यूंकै अै लोग म्हारै प्रभु यीशु मसीह री नीं बल्कै आपरै पेट री पूजा करे है। अर आपरी खुसामदी अर चीकणी-चोपडी बातां सूं भोळाढाळा लोगां रे हिरदै नै छळै है। 19थारी आग्याकारिता री चरचा बारै हरेक कनै पूग चुकी है। इण वास्तै थांसूं म्है घणौ राजी हूं। पण म्है चाऊं हूं कै थे नेकी सारू बुद्धिवान बण्या रैवौ अर बुराई कानीं झांकौ ई मत घालौ।

20सांति रौ स्रोत परमेसर बेगौ ई सैतान नै थारै पगां नीचे चींथ देवैला।

म्हारै प्रभु यीशु मसीह री थां माथै किरपा बणीरैवै।

21म्हारा साथी कार्यकर्ता तीमुथियुस अर म्हारा यहूदी साथी लूकियुस, यासोन अर सोसिपत्रुस कानी सू थां सगळां नै नमस्कार।

22इण पत्ररै लेखक म्हारौ तिरतियुस रौ प्रभु में थारौ नमस्कार।

23म्हारै अर सगळी कलीसियां रौ सुआगत करणिया गयुस रौ थानै नमस्कार। इरास्तुस जकौ नगर रौ खजांची है अर म्हारै बंधु क्वारतुस रौ थानै नमस्कार। **24**^a

25उणरी महिमा होवै, जकौ थारै भरोसै रै मुजब मतळब यीशु मसीह रै संदेस रै जिण सुभसंदेस रौ म्हें उपदेस देऊं हूं उणरै मुजब थानै मजबूत बणावण में समरथ है। परमेसर रौ औ रहसवाळी साच जुगां-जुगां सू लुक्योडौ हौ। **26**पण जकै नै अणंत परमेसररै हुकम सू भविसवक्तावांरै लेखांरै मार्फत अबै आपां अर गैर यहूदियां बिचाळै प्रगट कर'र बताईजग्यौ है, जिणसू के भरोसै सू उपजण वाळी आग्याकारिता जलमै। **27**यीशु मसीहरै मार्फत उण अेकूके ग्यानवान परमेसर री अणंत काळ तांई महिमा होवै। आमीन!

^a 16:24 कीं यूनानी पड़तां मांय पद 24 जोड़ीज्यौ है :
“म्हारै प्रभु यीशु रौ किरपा थां सगळां सागैरैवै। आमीन।”